

齋專齋人全集



泰雲堂詩集卷十三

金鎖

孫爾準

平叔

連發台集

赴臺灣巡閱營伍留別笛樓前輩芝庭將軍

乘槎有願溯瀛涯一洗平生芥蒂懷  
摻袂最難知已別郵筒莫使好音乖  
風搏九萬鯤鵬徙水擊三千組練排  
歸日采風香獻納肯將志怪侈齊諧

興化

山近全圍郭橋平不起濤荔枝香驛路  
茜草秀江臯前輩科名盛當塗綽楔高  
無由尋夾際驅馬媿塵勞

興化道中雜詠

山遠波平樹色參到來烟景似江南  
此鄉風物尤殊絕一寸離

泰雲堂詩集卷十三

支五寸柑

女兒一色淡紅裳垂耳銀鑽寸許長  
唱徹樓東珠一斛至今衣飾學唐裝

綠綬谿流靜不湍波光猶為斬蛟寒  
楓林祭饗聞銅鼓水利人傳兩長官

橋林深處鷓鴣啼一水縈迴路欲迷  
到此鄉心忍棖觸問各一樣是梁谿

蒲桃古鏡銀龍精博物爭推夾漈名  
聞說草堂遺址在月明往聽讀書聲

最是楓林繫客思白花已見綴青枝  
遙來要試紅雲燕正及薰風買夏時

郵館

者村循僻選郵館倚山躡石壞樹穿砌地陰峰瞰窓嚼膚惟足  
蝸傾耳不聞夜半雨鳴瓦夢迴疑在艤

### 大盈

避歎郵舍暫停騶賸有斜陽屋角浮閒倚窻前看風竹晚涼消  
受一襟秋

### 泉州

春風花發刺桐城小隊郊原按部行晉代清流餘古處陳家紫  
荔舊知名十洲利擅魚鹽俗兩道雄屯驃騎營曾是當年爭戰  
地萬安橋外海波平

### 洛陽橋

人言海水廣我謂海水窄一梁橫亘之三千六百尺其上容軒  
車其下走估舶斯流四十七潛螭卧深碧潮落試俛窺蚶蠣滿

秦書堂詩集卷十三

二

礎礪濱海生計微箝拾恣狼藉天風失依傍俗俾颺行客若非  
兩扶欄飄墮鮫人宅緬想締造初鳩庀費規畫飛符檄水府神  
鬼輸工役諏日約期會谷王避潮汐忠惠儒者流詎肯矜誕僻  
毋乃定民疑神道借巫覡虞初侈軼事流俗豔靈迹遂令忠信  
志傳聞等戲劇要知俛蟲長力可鞭很石鼉鼉洵堪駕蛟龍不  
能隔魏魏橋南祠雲題耀煥額我來肅瞻禮再拜奠束帛豐碑  
立屬竄雄文重圭璧大書翥鸞鳳平原見風格偉烈誠不朽萬  
古照澗磧繁誰好異聞葵乘志蔡錫

### 廈門

廈門本荒碕何年盛都會海壖數繁要彈丸乃稱最自從鯨頭  
人於此建大旆金門依輔車浯嶼互衿帶臺陽跨天險澎湖通  
地肺倔強波濤間自覺夜郎大七星妖讖兩豎效狼狽終自

尋戈矛先後伏礮欽大帥設中權四鎮屯下瀨碧澗澄波瀾黃  
圖大無外浮天走估舶隘地集市僧南琛獻丹于上貨羅紫貝  
權估設關梁譏苛竿舟軼姦富探奇贏末游藉沾丐邇來頗涸  
劫徧陋等自餽盛衰有倚伏物理戒其太龜毛詎成氈蟬腹將  
欲蛻寄語桑大夫心計曷足賴廉如蕭廣州方物倍司會

自廈門渡海至澎湖

九州之外更九州愛聽海客談瀛洲茲來破浪試新險汗漫真  
踢鼉鼉游大澄門前始一縱如箭脫箬不可收鯨濤高噴日色  
澹蜃氣上薄天容愁不知舟行自掀簸却怪島嶼頻沈浮初看  
水色鴨頭綠紅黑忽度雙橫溝梅樓四望絕山影天水合作琉  
璃毬我於其間渺一粟俯念身世真蜉蝣人言落際此最險失  
勢直達東琉球長年燒紙禱姥祖挾腋驚起長黃蚪滿船動色  
赤雲堂詩集卷十三

寂無語紅燈何處來珠旒

閩人謂天后爲姥祖舟人言曾遇險禱於姥祖髮鬚見空際有紅燈導從

冤旒而至者舟卒無恙

我聞徐福采仙藥三千童女隨行舟金房銀室任

蓬島左股夜矢知誰偷不如張帆竟東下方壺員嶠或可求胡  
爲齷齪任塵土井慕浪語真堪羞橫雲一抹忽當眼三十六島  
爭遮留

澎湖

澎湖雖曩空臺陽實門戶排衙卅六島環列燦可數地磽不宜  
禾石髡并無樹生計孽畜牧務耳記五殺自從開皇來略地居  
其許元明暫鬻糜格遠乏干舞遂爲盜所敲弄兵聚樓棚倭夷  
一鍼來屢挫水犀督

國初道猶梗跳梁窟狂豎

詔書示寬大倔強不受撫妄竊聊自娛金廈築郡塢東渡此禡

師赤嵌啓版宇居然虎負嶠實乃魚遊釜

王師天上來當轍揚螳斧一麾頽榮扇反風隨白羽再拜耿恭

井甘泉涌斥鹵桓桓師武臣削平憑一鼓靖海侯施琅征鄭克

軒戰於施官鴻有風自西北來滄海蓬勃逆我師三軍股栗琅我師大呼須臾雷動轉南颺我師乘勝奮擊國軒從吼門逸去

琅禮於神甘泉湧出籍戶入版圖聲教置官府涵濡逾百祀

推髻易綦組夏屋儼渠渠周原亦無隳上庠與髦士百貨走商

賈我來簡戎兵采風非耀武所惜言侏僑未盡通疾苦丁甯告

司牧蚩弱安可侮淳悶天未滴擊壤追太古勿謂海濱陋漸風

卽鄒魯

海舟戲書

低昂隨浪簸掀餘萬斛舟如擊巨魚長吉心肝都嘔出賦成終

是遜元虛

秦雲堂詩集卷十三

舟夜聞笛

渡口人家寂掩扉誰吹霜竹韻依微發音隣舍思何極奉使樓

船客未歸潮靜魚龍假岸聽月明烏鵲遶枝飛曲終漏轉星寥

落海色蒼涼碧四圍

臺灣

飛帆破海色遙指大瀛東山立鼉身外城開蜃氣中港因沙磧

險礮藉邊纓通水寨屯形勝臨風鼓角雄

地勢鯤身繞潮聲鹿耳來

王師千舸入天險一時推運啓歸圖版風清闌草萊至今嚴鎖

鑰須仗勒銘才

毘舍讖雞鳴倭夷屢戰爭春雷青闕礙夕照赤嵌城遂作萑苻

藪猶傳草竊名妄思效張仲終竟媿田橫

世共夸金穴人猶習火耕俗奢希蓄土曠易兼并遊手逋逃  
集無家去任輕移風方有待漫動樂郊情

見說山中社猶餘化外番土牛滄界址稅鹿困苛煩狼牧真堪

喻鯨吞太少恩屯田遺策在吾憶趙翁孫

時方滌  
董屯饑

聞道沙連島清谿勝漢東春風神藥綠曉日佛桑紅鄭谷逃名  
客商山避世翁幽蹤何處覓目極白雲中

### 臺灣端陽

有生幾端陽海外今年獨疾風卷飛雨跳珠響竹屋圓陰漏午  
晴嘉樹淨如沐吏散廣庭空無言對僮僕強持一尊酒泛此菖  
蒲綠騷愁坐懷人潮聲殷坤軸

### 大雷雨

何因驚客七母乃鬪時門雷奮破山出龍騰挾海翻響驟迷竹  
泰雲堂詩集卷十三

五

樹室暗昧朝昏試檢五行志災祥未易論

### 晴

正厭檐聲急俄開夕景斜病蟬移別葉飢雀啄殘花蘚石欹深  
窟萍池漲淺沙此時鳴得意惟有一羣蛙

### 登澄臺望海

放眼澄臺上遙帆几席前潮迴吹地轉浪去匝天圓詩思滄洲  
濶歸心落日懸浮槎如可上何處問張鷟

### 卧病

苧衫蕉簟繞迴廊睡起方知夏日長劇喜得閑緣卧病未因多  
冗減詩忙涼生窓竹微篩影風細池荷遠遞香漫道祖洲饒大  
藥龍官何處檢遺方

### 大湖

竹烟爨空濛綠雨糝微綠時時箴籬中三兩見茆屋民靜喜風  
澆禾蕃識田沃納秬勤輸將美哉此荒服

武洛社

迢迢山陽少人家行趁谿流石逕斜夾路蒙茸濃綠裏時逢一  
樹海紅花

鳳山築城詞

埤頭新城如卧瓜上直下橋西南斜自從埤水失防障夏秋散  
漫來無涯十家九家苦瘵濕重脰沈溺生吞嗟今年破篷上天  
半蟻蒼生衣窳產龜城基蒸土築不得插脚下陷皆浮沙人言  
築城舊城好左龜右蛇相對抱伐材並取打鼓巖地脈遠接崇  
爻島當年蟻賊裹疆來正苦東南缺燧堡包山儻許築埔基負  
固真堪等天造我聞太行左孟門右中流四顧奚足多金城之  
秦雲堂詩集卷十三

六

調攝

嶮須人和斬華凌塹自表裏封豨狻窳將如何海賊來時山賊  
過新城亦殘舊城破君不見羅圍不設藩爲軍楚人寢謀晉人  
臥

夜起

喜滿目春光夏未殘

倦暑睡復起卷簾納輕爽空階露微下夜靜百蟲響慮閑物態  
呈卽事寄幽賞暗竹時一明孤螢自來往

聽琴

流水挂空壁秋風生遠林煩君一揮手媿我非知音夢寐中原

隔波濤大海深金徽爾何物能會此時心

書事

三軍有司命登壇凜盟歃號令拱倚輶進退視揮箠何知寵臣  
貴不畏功曹脅仆表示師期取筮明軍法詎同棘門戲竟等戍  
遂狎猛異虎在山縱類兕出柙北面誑誓言南塘恣剽劫曾無  
三合申頓噪一營甲犇勢突狼豕譁聲亂鴉鴨恭節誰之司傾  
岳失彈壓徒媿中權陳如臨大敵怯豈擐忍辱鎧甘戴無顏恰  
飾怒髮為指鬣職眉遑摺御驛期利銜斬馬方在匣肆市獨柳  
刑駢首大槩插要使成金湯敢自毀藩押衙軍橫致燔貉奴噤  
還跣戮僕終服戎割髮乃開鄴罰明賞非濫威立恩始治兵事  
尙嚴終勅法昭韎韐

夏日卽事

泰雲堂詩集卷十三

七

蓬漏愔愔清晝長卷簾拋塵坐匡牀海霞向晚如含雨庭樹先  
秋已送涼稱體暑衫宜苧布醉人風味賸柳漿暫來尤喜徵方  
物益益都栽七里香

贈孔荃谿觀察

舊依香案侍

璇宮出領蓬萊

賜秩崇

臺澎道加按察使  
銜兼管學政事

玉局文章傳海外金絲緒業本淹中

兩原盡格兜離俗多士初聞正始風直把東隅比西蜀共推雅  
化起文翁

奉

旨募商由海道運米赴天津詩以送之

臺端新法問誰條積貯爭傳海國饒根本夙推三輔重雲帆初

轉二沽遙徑殊徐伯新渠水險越秦皇舊石橋送棹疆臣心共  
遠相隨萬里趁風潮

木柵

朝辭綠珊城日出露已晞塗荒戎堞遠坐憫輿夫疲野水多縱  
橫屢亂沙間谿郵亭得小憩聚氓看旌旗人煙助蒸鬱喧吹蕩  
心脾驕陽卓火織庭陰久不移清風渺何處弱柳垂絲低踣冰  
詎可致握爨良在茲茂林鳥戢翼密藻魚潛漪飭徒趨熱坂我  
行安可遲持竿爾何人跂足河之涘何必北窗下已在羲皇時

新埤

是處人家刺竹籬郊原入望綠參差海霞曠蔚蛟龍氣石盞晴  
含翡翠姿深湧水精鹽勝雪碓春玉粒米流脂輶車何事編叢  
笑收拾風光入小詩

秦雲堂詩集

卷十三

八

熟番

上番種類非一族獐者生番馴者熟生番嗜殺不擇人金飾頭  
顛作簪卜熟番改土皆歸流籍名僉丁統以酋官來俯伏迎道  
周手執竹枝弓背負雞羽餗戈矛錯雜間旌旂媚家夫在前賦  
新番後都都團作獻擊兩手達戈絞番名額垂桶幫跣足如霜  
花插首銀牌紅布官賞番侑以如瀨百壺酒番丁何所能雞距  
緣木如猿升卷銅作荷徹夜響麻達少年未娶之稱傳檄行奔騰番婦  
何所作竹籠毆魚便耕鑿番丁苦閒婦苦忙番婦不若番丁樂  
皇仁計口均受田不輸賦稅蠲租錢溪流一過沙滿壟雜草其  
宅青芊芊人言番丁今好訟傀儡牽機隨喉弄膏腴一甲博一  
筵番田多爲漢人種咿唔口訴誰能騰通事傳譯愁難憑可憐  
有墮不得達仁人見此當哀矜君不見竹王祠南廩君北獐苗

當日華胥國漢奸蠶食何能堪一夜糧鋤化矜棘莫言往事不足徵戡定頻煩

廟堂力

麻達

番中少年號麻達夜遊檄書響銅鉢驛騎流星追不及一步自矜三尺闊編滕束腰能疾馳勸爾及壯母後時不見病衰行不得羸軀身作鳥高食

番俗老病者不待其死即昇置山中聽鳥高食之

北港待渡觀日出

屯雲霧東峯初日隱未現西雲忽先知遙逗金一片須臾鬪采昇濃淡隨所絢灘急不受影流光滿波面似將百種色染此一疋練清暉難強名擬議形已變灘渙詎足方堅坐目爲眩邈逝得奇觀蓄眼未曾見相呼上竹簾欲去情猶戀

泰雲堂詩集卷十三

九

埔裏社

臺東山勢如連麓溟郭氣大噴雲濤包孕隱現不可測突兀時露雕與尻長風一掃淨寥廓蒼峭百招屏風高恍移廬阜墮蠻微奇秀未可輕嘗警懸崖絕磴孰能傍生番趨捷追暖蹂平時殺戮代耕作強弓毒矢爭先操豈惟人跡不敢入赤豹駭遁元熊嗥安知中央大如礪沃野萬頃開平臯天荒地老未開闢土乳泣泣流春膏邇來漢奸頗深入爭營甌脫圍籥粵南山雖錮猶有鄴利在彼肯遺秋毫決渠荷鍤畫井腰鎌種種芰蓬蒿野撻千頭競跳擲馴伏漸可加籠絛人生有情物有性物猶就擾人何逃胡爲巧誘復豪奪密書晝夜長號吡况聞風俗亦不惡嗜好服食同吾曹龍梭作鐳織錦蜀鷺管書字傳紅毛留客固居若圖書待姑喃米成香醪鞦韆游戲樹陰底嘴琴鼻吹聲

噴嘈誰能撫摩適厥性適質正可資薰陶屯田計口授之食角  
材團練收其豪倚天爭奉稼布約詛酒共飲留犁撓力役羣趨  
聽馨鼓積粟高廩堆連敖卑枝鳥巢俯闕轂開戶犬足眠生菴  
武陵仙鄉在人世青谿夾岸栽紅桃花開洞口春水發相尋我  
欲擊漁舸

明沈斯庵太僕墓

虛館饑無廩浮家老不歸隨身惟皂帽畢志竟黃衣滄海成高  
蹈旌邱感式微一坏荒草合誰薦首山薇

臺陽雜詠

關門非鴈塞關渡門在淡水東沙磧似龍堆壘田疇關城盤市舶來  
雲容晴後滿山騰雨中開晴霽則諸山烟靄蒼茫若夢躡明季李茂  
春園無尋處名園付劫灰

秦雲堂詩集卷十三

蚌木船剝甲剝木為船名曰蚌甲龍香劑割涎焚輪風有火沸井水無煙

硎戶徵蠨饒山居訟螭田沿流頻喚渡九十九谿邊

風草欣無節風草春生無節則歲無醜風霜筠怯走鞭鞭竹皆叢生出玉香花

媚晚金綴菊迎年湖采螺紋石番通馬劍錢忽看方物集新返

荷蘭船

拱風曾名翹蹲鴟藉作糧潮魚驚海熟魚隨潮大上名曰海熟火鹿憫番

荒鹿為獵火驚樣擣蓬萊樣字始見於鄭樵通志俗名蓬萊醬柳傾

沉澆漿液可梳許名曰椰酒病來煩米卦俗向巫病輒延客

日米三保有遺薑相傳明三保太監至

佛髻波羅蜜仙膚優鉢曇香抽芳蕙苦蕉剝露芽甘南鳳三杯

粟三杯粟產西螺五寸柑西螺產問誰能徧識名狀漏嵇舍

方法唐僧授唐大曆中鄒和尚始製蔗糖凝冰濾蔗漿輸租連廊屋擅利走

帆檣味壓嶮山雪光欺采并霜綠知雲都縣何滅木奴鄉

漸習殊方俗何辭過海行吉凶雀語雀名在每出更

鼓聽鳩鳴白鳩能知氣鐵樹珊瑚金莖蛺蝶輕鐵樹花如珊

名金絲蝴蝶二郵亭欣遠眺雲脚書新晴雲脚如畫家繪水石

花番女多習之

到來時合異何處問神功稻熟三春早蟬鳴二月中夏占帆黨

兩秋試紙為風歎息吾行遠真看地軸窮

後隴望海

我過大甲谿日日濱海行海濱坡陀高復下起伏尚學波濤形

我登其高望海水長風掣輿欲輕舉望中尚隔交眉山衣邊已

濕濤頭雨濤頭拍空吹浪花散落有似鳧與鷺隨波泛泛去何

極欲狂從之無靈槎搖空灑灑含淡碧漸遠漸深色轉黑簸蕩

秦雲堂詩集卷十三

十一

日月光炯碎倒射露雲換辰色我欲拔劍屠長鯨坐令萬里滄

瀛清身騎白鼉蹋波渡手招謫仙朝玉京靈琴鮫妾出歌舞指

點雲旗導前路題詩直上金銀臺乘醉敲折珊瑚樹安期羨門

不可尋鬢毛日夕秋霜侵鬢憤能愁窈窕裏千載不死成連心

香山

我行香山麓去海尚幾里不知潮方生但恠濤頭徙白馬紛趁

人追韓未足擬輿丁騁捷足已墮浪花裏風雷脚跟過直打蒼

崖趾幸免滅頂凶未遂出坎喜潮來已莫測潮退尤難揣深恐

歎欲問攝人龍宮底膠沙數漁艇蕩漾一時起上下如睛蛭狎

浪隨所使徒懷羨魚情詎有屠龍技乃知習慣成未必中有恃

自媿忠信薄濟險亦偶爾

番茉莉花大如菊

稱名一酒小南強略似茶麝不似香可惜瘴風蠻霧底亂憑香

女插釵梁  
仙種來從粵海船芳苞香酷散幽廳若教南漢宮人見不向花

田種素馨  
彭澤人來總不知團霜翦雪一枝枝却疑海外風光早未到重

陽菊滿籬  
三貂嶺

峭壁青到天雲白翻在地行人衝絮過織絲遠猶曳朝晴無漏  
曦灌木翳深翠山深氣不泄寒暖惟一致雜花紅媚娟開謝亂  
無次巨石塞路谿足踐動欲墜徒御相攀援車騎徒爲累但躡  
猿狖蹤樵夫不曾至

洪荒閉叢莽前年始開闢豈徒斷人蹤并無獸蹄迹幽禽樂爲

泰雲堂詩集

卷十三

三

家籛響鳴格磔初聞如蟬絃清越音厯厯旋復似鼉鼓應節紛  
叩草仰視徒蒙茸何由睹毛鬪愧非博物才無從問伯益正恐  
山海經亦復漏詮釋足跡半九州此行真創獲

中峯矗孤筍磴道如螺旋一轉一境出萬轉躋其巔羣岡青玉  
玦豁露西南偏巨澗若可掬波浪洶我前蒸蒸氣如釜照日生  
孤烟乃如龍宮底信有陰火然長風忽鼓盪覆水低不鷲規圓  
大明鏡淬拭兜羅綿惜無竺朗公雲構長安禪從之借僧榻堅  
坐了餘年

頂雙溪

我從臺員來千里皆平阡昨過三貂嶺陡起青鏡天茲山雖不  
高亦足稱隨肩磴路窈而曲風物幽且妍清谿不一里東西屢  
迴沿旣度奔星豹復喚蜻蜓船有如誦佳句不厭相流連逕迴

見村落壘翠開梯田蔬畦槿編護瓜蔓箠籬牽吠人走黃頤伏  
地閒鳥捷涓涓細流出屋後渟深淵媿將黃塵面鑑此碧玉泉  
徑思攜枕簟直就盤陀眠乃知裨瀛外何地非安便胡爲陔六  
欲甘作十種仙低徊未能去騶御催鳴鞭

上行雜詠

叱馭休嗟行路難每從躡險得奇觀浮槎劈浪潮千尺跋馬穿  
雲磴百盤陰火吹煙磧井毒晴曦射雪玉山寒峯巔俯瞰明霞  
晚倒影迴風蕩紫瀾

前峯秀出聳單椒硤裏幽尋勝事饒鳥囀圓吭丸藥落蜨翻輕  
翅碎紈飄紅鋪絕壁花成障綠浸橫谿樹作橋佳處何人營佛  
刹坐聽鐘梵答歸潮

鳴瑪蘭北關

秦雲堂詩集卷十三

三

山頭亂石金華羊下飲大澗波茫茫蹴蹋洪濤濺飛沫紫瀾迅  
激浮驚霜北關拔起通一線旬然石扇森開張天開地關絕人  
跡胡煩設險勞隄防我

皇德遠泉日出坐變斥鹵爲耕桑乃知天意早有在陽施陰設  
成巖疆我來叱馭行過此戍卒環迺排槩槍關中沃野七千里  
南東其畝菜鋪穰苴茨土舍雞犬靜疑從上古窺洪荒鳩舌侏  
儻費重譯見人狂顧如驚獐地無可欲視聽寂安得習染生癡  
狂無懷葛天在人世桃源之說非荒唐唐鯁壑東瞻塞礁石雞籠  
西顧連崇岡瞿唐劍閣身未到邛邛視此誰低昂援毫思欲勒  
銘去媿無筆力追孟陽

七夕有懷用臧姪

絕島俄驚綺節催明河有影鵲飛迴臺陽無鵲曝衣往事懷南阮杖

策孤行覘北臺分野星占牛女外重瀛秋斷鴈書來遙知瓜果  
筵空設涼夜何人共與杯

觀海上暮雲作

暮雲嗟峨與山雜夕照迴光紫翠合一重一掩糾莫分雲忽出  
山山出雲倒影浮光搖貝闕鼉踊龍騰爭出沒收芒斂彩須臾  
間碧海泱泱浸圓月我時歌詠樓船樓坐惜奇景不可收欲呼  
謫仙著宮錦載酒同作騎鯨遊

泊觀音山對月

四度蟾光滿孤槎客未還影懸滄海裏夢繞亂山間天地身如  
寄風霜鬢已斑遙憐小兒女計日卜刀環

泰雲堂詩集卷十四

金鎖 孫爾準 平叔

臺陽籌筆集

題三角埕郵館

過雨埕除水漲沙郵亭絕似野人家劇憐催騎匆匆去閑殺一池紅蕩花

渡烏龍江

朝來呼渡上艤臙褶袴掩囊結束同近海雲含鮫鱗氣截江帆走馬牛風投簞可待濡須酌擊楫何煩祖約功最憫潢池皆赤子數行飛檄佇銷戎

坊口

數鄧平田水一灣卷簾遙對隔谿山試看暖翠浮風裡如在南

泰雲堂詩集

卷十四

宮北苑間回首漁樵成寂寞驚心戎馬尙江關到來暖茗焚香坐偷得征途半晌閑

渡臺

插羽書多日夕馳無端盜弄起潢池籌邊自馳三章法橫海方與六月師未見軍鋒誇掃穴徒聞戍守議增塹跳梁貉子紛紛過當道何曾畏老熊

感事

信有人材如李蔡何曾兵志學孫吳聞風膽落清泚鶴望氣心驚蔡陌烏和議仍煩徵甲士老謀惟說縱刑徒紛紛道路喧傳徧葦苜明珠果有無

渡臺喜方穎齋

傳稊

許少鄂

原清

至

瀛洲凌浩渺星野仰昭回地在牽牛外人疑跨鶴來兜震傳夕

警幘府急邊才一紙袁宏激馬鞍待爾裁

臺事

專征誰似鉞戡亂在稱千兩鼠穴中鬪諸軍壁上觀曾無披羽  
氣徒想陷冰丸灞上真兒戲多應媿鷓冠

米向矛頭浙書從盾鼻磨已知魚在釜更恐雉羅羅蠻觸成何  
事鯨鯢莫共科瘡痍皆赤子好爲手親摩

白沙墩畔路瓦礫浩漫漫赤炬燔霄燄青燐照夜寒茫茫惟斷  
骨宏演尙殘肝掩骼非京觀經過不忍看

後壠昔衝要停驂夜寂寥地荒稀吠犬樹老慣棲鴉經難人情  
促乘危物意驕尙欣新雨沃逋戶急須招

盼澤三秋急爲霖正及時已欣蘇稼穡復恐濕旌旗移帳搜山  
久懸軍搗穴遲遊魂終不貸失爲起飢羸

秦雲堂詩集卷十四

三

何意天邊月頻從海外看鯨牙猶未拔蟾魄又將殘照野威弧  
動連營畫角寒飛書佇奏捷埃火報平安

大甲

部伍森嚴不待招平沙萬幕竈烟消懸旗影靜中天月傳箭聲  
喧半夜潮颿鼠技窮情欲變驕驕芻飽氣方驕一時分道爭趨  
險出手何人看得臬

竹塹道中

積雨新晴驛路涼西風作意洗秋光浪傳碧海通仙島賸喜青  
山似故鄉白鶴飛歸但城郭紅羊換劫小滄桑樓船徐福知何  
處莫信龍宮不死方

吞青

婚媾洽比總芳隣容易爭乘起戰塵盡化蟲沙成底事劇憐蠻

觸竟何因巢中碧火空燔樹家畔青燐不照人愁絕明年春草  
色荒原依舊一番新

送黃副戎

其漢

率師入三灣

海上秋風又欲殘軍書旁午尙飛翰瘴雲百疊凋巢險陰雨連  
番鐵甲寒盜賊祇今勞獮難功名自古出艱難凱歸佇爾捨渠  
日鏡吹聲中萬姓看

木芙蓉

獨立西風後嘉名擅拒霜何須嗟晚嫁特與占秋光似醉流霞  
酒偏宜楚客裳淺深知有意豔極是斜陽

重陽節近風雨竟夕書悶

佳節由來畏獨醒燈前衰影更伶音書久向天邊斷風雨偏  
從海上聽鳩誰迢遙迷北極鱷魚瀟遯沸東溟登高莫負龍山  
泰雲堂詩集卷十四

九日

移來氈帳便爲家佳節蕭條感物華九日依然飛白羽三秋渾  
未見黃花韜鈴媿乏宏邊策浩渺遙乘貫斗查蒿目陸沈誰致  
此每思夷甫起長嗟

三灣戲題

洞口雲封白晝閒林深無路水潺潺仙人去後桃花謝自爲胡  
麻不出山

風雨書悶

縱使吳兒木石腸到來不許不思鄉入秋風急都成雨向夕寒  
深未隕霜腹苦河魚持酒禁脚愁海蛤檢醫方荷戈最憫三千  
士未解嚴裝鐵裯襠

曉起

瀕海夜多聞無寐常輾轉風聲與濤聲側耳聽不辨侵晨獨開  
戶青天片雲卷草根濕微霜樹罅流初曉菊香寒更清蓉姿曉  
猶淺我生媿勞薪微外經屢踐風景良不殊卽事貴善道

淡水

淡南風物劇堪悲破浪奔波怪爾爲人盡流民多失業地無古  
蹟漫題詩趁墟淒楚吹牛角賸社紛紜稅鹿皮應是秭歸飛不  
到不教遷客動歸思

夜坐

紛紛黃葉覆蒼苔寒信驚從地底回月色易沈嵐瘴外風聲直  
挾海濤來三盃濁酒聊斟酌一卷殘燈自闔關望裏中原何處  
是明朝攜杖最高臺

秦雲堂詩集卷十四

書悶

四

天涯霜露漸淒其老樹商飈日夕吹花草離離仍滿地怪他風  
景不宜詩

登臺

遺愁無處一登臺日莫西風少鴈來山繞人烟依地盡查浮海  
浪接天迴歸期回首青門遠世事驚心白髮催安得櫬棺看淨  
掃便從此路訪蓬萊

大風

塹城去海僅十里風吹海水立而起浪花卷入青雲端飛雨晴  
空灑城裏雨聲急處風更豪萬竅不約同呼號鬼神行空陷日  
鼓蛟龍起陸乘秋濤中庭枯木無枝葉百尺槿空忽摧拉已驚  
僵仆旋欲飛卷地迴風掖之立我時兀坐默不言風水直挾心

飛翻不知陽烏匿何處未到蒙谷先黃昏虛堂暄慘忽已莫入  
夜蓬蓬氣逾怒土囊決口六鷓迴天柱頽空巨鼇怖我聞洪範  
厥咎蒙隱薄不似蘭臺雄條支占律方入貢胡爲振野飄驚蓬  
又聞颶風應九降巒尾半天橫斷虹去聲蜚廉怪我久滯留欲送  
歸艤駕高浪災祥神意不可量向晨風止日照梁開戶乾坤豁  
呈露仰視雲氣微飄揚乃知一噫聊戲耳海國見慣皆尋常

番列

漢奸蓄髮涅面娶番婦者之稱俗亦名番割

生番愛酒兼愛鹽螺珠花扇猩猩毼荒涼石碕誰與市祇有番  
刈能來前界畫分明土牛趾過此一步罪殊死漢番以土牛爲界過者論斬  
番刈行去復還路僻縣官誰到此林深菁暗不見天藤梢棘  
刺紛鈎牽番刈行行坦無闌籠頭髻帽橫腰鑷山中荆棘塞路以藤爲帽

奉雲堂詩集卷十四

五

漆髻之垂首皮幣論斤不論幅膏腴博醉不博錢邇來利市常  
運進而不傷

十倍賤稅課年年添麻目底六番婦番中婦蓄髮雕青更牽

手番語指攜麻達年少同教揉作使姑龍番語如嗾狗番列初

入山貿易欺其蠢愚利市十倍既與番習則蓄髮涅面娶番婦入山不出雄長社中而番衆轉受役使矣爭傳道旁

番殺人頭顱云失尸猶存豈知番刈坐收利南塘一出無王名

番嗜殺得人首塗以金色藏諸高閣以多少較勝負番刈欲爲盜則使番殺人取首去而已利其財官亦該爲生番不復捕盜

明日官來勘行迹傳喚隘丁無處覓通事頭家盡漏厄甲地

田前以甲計二十五爲田園但空籍草口糧有官屯業佃

之分久之口糧皆爲官私侵蝕而隘丁云矣語官不用僉隘丁官租私稅空紛綸稱

名番刈終須刈俗名番刈者言生番依舊無懷民

三灣旋師

蕭蕭班馬脫銜環挂壁弔弓已罷彎壯士爭誇身手健參軍不

厭語音蠻鈴聲韻關清秋迴槐影移階白晝閒插羽書停歸計  
近先看廷史破愁顏

別菊示李信齋慎彝大令

海外見黃花相逢如舊識開榮瘴烟中不改東籬色憔悴枝葉  
傷初向擔頭得托根不擇地憐汝因荆棘解縛種益益位置幽  
欄側清泉爲洒濯涼風自馨逸翠葉漸欲舉似已蠲宿疾凌晨  
挹清芬吟玩至日昃豈繫臭味同貴此傲霜質明當舍之去相  
顧意悽惻呼童重灌溉爲德媿未卒榮悴渠有命芳香我自恤  
丁甯後來人殷勤好封植三復角弓詩勿使前功失

自竹塹還半線道中見流民歸里版築方興喜而有作

馬首壺漿夾道迎周環百堵喜初成偃旌人去風清野扶耒農  
歸雨洗兵雞犬新豐如舊識烏鳥齊幕有歡聲五材莫道無偏  
秦雲堂詩集卷十四

廢息壤休渝瑣澤盪

番社竹枝詞

回居新製向人誇圓頂扶闌似覆艦不信春深無瘴癘山柑門

外已開花生番作室曰回居木椽竹牆蓋以茅草兩大扇合爲  
屋頂狀如覆舟其前廊以竹木爲橋拾級以登周以

關欄山梅花  
開則無瘴

行歌按節共相春縹緲聲傳第幾峰曉夢醒時渾不辨乍疑編

磬與編鐘春米刈巨木爲白高二尺許空其底旁竅三四孔擊  
以杵左右上下按節旋行歌以相之將旦邨舍丁東

之音遠聞颺若疎鐘  
清磬不辨爲何聲也

身手由來善射生竹枝弓弩不須藥蟻窠落地誰知得出草先

占巢雀聲竹枝爲弓藤紵爲弦績以鹿血堅韌過絲草矢粘雞  
羽爲鈐用以射鹿名曰出草將出先聽鳥聲占吉凶

鳥白尾番語曰  
番在卽巢雀也

反復書宜玉版賤佉盧遺製左行偏年來楚楚青衿子誦得葩

經筵幾篇習紅毛字者曰教冊用葛毛管刺其端薩墨橫書皆左行紙厚如帛反復書之東螺貓兒千社有薩髮出

應童子試者居然宛履能背誦毛詩

貓踢班身刺繡紋嘴琴私語月中聞自緣野處行多露愛著藤

皮白苧裘貓踢未娶者之稱肩背手足皆刺花繡文熏黑烟以其絃以成聲或竅其中二寸許釘銅片彈以指如泥私語男女相遇男彈背琴挑之意投卽野合各以私物相贈歸告父母乃迎娶牛線以上多採藤皮爲

檳榔送罷手隨牽紗帕車螯作聘錢問到年庚都不省數來明

月幾回圓合婿有禮擲以白金爲檳榔形貧家則用乾檳榔富者以紗帕爲聘如溜灣等社有用車螯者問名皆不知年歲但記月圓幾度耳

步節金鏡按隊行都盧詞句不分明誰知十六天魔舞却似魚

山梵唄聲酒酣婦女連臂蹋歌似梵唄語不可曉每一節齊吟一聲以鳴金爲起止

樹底秋千似紡車佛桑花放及春初爭看裙袂飄颻起一隊神

秦雲堂詩集卷十四

仙下碧虛番女有渺綿氏之戲大畧卽所謂秋千也以渺爲飛以綿爲天意以爲飛天耳每風和景明推髻簪花靚妝麗服招邀樹底爭爲此戲

秦雲堂詩集卷十四

七

泰雲堂詩集卷十五

金鎖 孫爾準 平叔

拜 恩集

殘臘歸自臺陽燈節北上舟行螺江月色如畫有作寄榕城諸同人

纔卸歸帆自海東又隨北蕪趁征鴻長亭折柳條猶短小閣傳柑燕未終放棹獨行金鑰外好山別貯玉壺中城頭燈火江頭月喧寂相思兩處同

螺江曉望

曉色葱蘢霧乍收扁舟江上溯寒流當年螺女不知處無數鬢髮相向愁

湖鎮

泰雲堂詩集卷十五

水籤迢遞急星郵日落征帆未肯收羨殺村人無箇事樹陰閑看下灘舟

為秦沁園題其配程默人自怡集

遙從淮海溯淵源芍藥薔薇麗句存不分元家矜月旦強將山石與同論

研匣琉璃鎮日隨吟成暝寫好然脂翻香小合金荃句更衍微雲絕妙詞

賭茗紉書樂事新還如郡掾贈詩頻而今遺挂簾垂地傷盡荀家奉倩神

蜀錦迴文爛漫裁掃眉始信有奇才慚無孝穆凌雲筆手折纒牋序玉臺

新柳

魏麈新穗乍生時空裏浮黃不著枝爲問何人工比擬嫩于金色軟于絲

吳興道中

二月蒼谿水浸磯舟行終日漾清暉紅深杜牧尋春路綠上元真釣雨衣西塞山前魚正美東林寺裏鶴應歸何時却許浮家任卧聽漁歌無是非

石湖

石湖湖畔路惆悵繫船時暖信飄梅雪春流漾酒旗黃壚陳迹在青翰故人思息壤言終負歸期未有期

登北固山甘露寺

欲破羈人眼界試尋初地款禪關香臺豈是人間世壺嶠真逢海上山六代茫茫飛鳥疾孤雲漠漠定僧閒何時卻把漁竿

泰雲堂詩集卷十五  
去黃鵠磯頭占一灣

鳳皇山女校場

合圍疑鬪五家車左右旋分兩隊花怪底父仇渾不省可知師法在夫差

蓉湖錄別

乘流一艇泊湖干暢好江南二月殘芳草天涯仍遠道杏花風信尙餘寒盈顛白髮言歸豔照眼青山欲去難前路縱饒知已在離觴誰似弟兄歡

得果抑亭將軍書依韻卻寄

遙夜飛音響過鴻一檝傳到意恂恂陳遵尺牘收藏貴長慶詩篇格韻同歸夢枕椰春雨外驛程楊柳夕陽中洗塵預約官齋好斫膾池臺似閩蓬

君署亭池最勝詩來預有蒲觴之約

寄韓芸叅卽用前韻

蹤跡差池似鳧鴻  
搗來離合更恻恻  
三句款語情猶鬱  
千里傳書意每同  
布穀鳥呼新雨後  
輸糧鷄汎大瀛中  
書來仲春得雨雷尼奏請募商  
應募者甚衆  
卻愁春晚齊東路  
亢旱驚沙短鬢蓬

寄吳荷屋鄂雲浦王孚遠何寅士仍用前韻

霄路聯翩避鴈鴻  
獨憐贈策苦恻勞  
薪自分馳驅慣合幽  
欣逢臭味同行省  
政成羣策裏坐論  
益廣集思中  
遙知諧雨開尊夜  
定憶天涯有斷蓬

過沙墩作時道中方結旛禱雨

東郡殘春路氣零  
暗曉風高沙礫散  
旱久井泉渾徒競  
虺巫暴當思孝婦  
冤道旁遺廟在  
道旁有東海孝婦廟  
莫漫舉靈旂

過泰山

秦雲堂詩集卷十五

早歲曾攜綠玉筇  
颼輪掖上最高峰  
笠邊海日三更白  
烏下齊煙九點濃  
得句秋壇賡老鶴  
投文夜壑起乖龍  
今來濟勝嗟無具  
夢繞天門第幾松

過泰安贈楊魯生嗣會時權知郡事

詠罷霓裳記識君  
翩翩英少最超羣  
廿年埃館萍蹤合  
千里關河轍軌分  
話月共追燕邸夜  
為霖初展岱宗雲  
相看媿我顛毛白  
別後音書莫厭勤

伴城

眼明沙路淨  
薄雨洗浮埃  
街日孤村出  
穿林數騎來  
地隣駢氏邑  
雲接魯連臺  
乘馬開暈日  
經營憶霸才

臺灣剿撫事竣猥蒙 宮銜花翎荷蒙之

錫煦齋師相枉詩見賀依韻賦答

吹唇駭浪沸潢池橫海戈船日夕馳六月師興傳檄遠七旬苗  
格舞干遲弄讎習俗憐蝸角受牧何人怨繭絲戎馬生郊多賊  
壘經過女兒敢題詩

廟略縱橫指示宜畫臣戮力効驅馳徙新客語籌應蚤食莩鴟  
音草已遲爵弁影纓增羽翮用漢書龍樓侍葦拜江充傳

賜詩

十行丹詔促瓜期待策駢駢四牡馳籌海祇緣留後亟朝

天翻遣戒行遲頻頒褒語榮華袞更捧新篇擅色絲一曲陽春  
難屬蘇多慚商也可言詩

吟風立雪記當時一別門牆歲月馳沙路新增千尺峻經帷重

到五年遲憂時李令心如日忍事裴公鬢有絲極目蓬婆天萬

泰雲堂詩集卷十五

里出車誰詠采薇詩

穆鶴舫司空奉

命籌河用前韻賦贈

丹詔凌晨下玉墀重臣街

命傳車馳廝渠竹箭奔流駛轉漕雲帆入牖遲利濟大川資作

楫安瀾九曲走如絲大白詩黃河如絲天際來定知河復澶淵日羽服黃樓

好賦詩

琉璃河鐵槍歌

歐陽作史重死節立傳特褒王汝陽管城畫像不可見行人尙

說橋邊槍槍長百尺形不類是耶非耶誰能詳當時履棘草中

起一槍之勇時無比眼中勁敵知是誰鬪雞小兒李亞子河北

已失爭揚劉負薪夾寨填河流南城破來祇三日鐵槍入處銀

鎗愁吾曹宵死沙隨手畫笏爭論亦何有河上軍皆屬段凝中  
都無壘焉能守朝梁莫晉真吾恥豹死留皮生自矢良禽擇木  
臣擇君男兒竟爲朱三死君不見麥鐵杖槍一丈威沈光枉徇  
江都圍封金終自逃曹操効命何煩獎典章

齊州道中雜咏

昨日淮壖別故關河流無復響潺湲搖鞭行入紅花埠回首江  
南一髮山

夾隄高樹遠籠煙行過長橋欲曙天一種曉風殘月路填詞不  
稱柳屯田

行人多坐獨輪車策蹇黃塵不厭賒此似扁舟差較穩風帆葉  
葉走平沙

一樣敬礪榮角山近如赤鬲遠如黓妍媸何用生分別只在車  
秦雲堂詩集卷十五

輪轉換間

五

村盲負鼓趁墟場愛說英雄紀小唐爲是燕齊風氣勁彈詞不  
唱蔡中郎

述職南旋晴芬司農表兄題扇贈別依韻奉酬

壤奠凌晨謁

帝臺晚過履道趁朝回披衿乍喜宗欽共對榻還從茂叔來捉  
扇題詩勞妄歎登壇籌筆媿非才惟應裨暑埃裏長路揚仁

自闔開

早年共有滄洲興遲莫難忘白閣期成佛要須緣覺後遊仙誰  
是夢醒時彤廷袞職嗟何補青鏡顛毛各有絲也似王晞思爛  
熟躊躕終爲感

恩私

揚州贈張雲集青蓮使

邗溝鑿後擅通津，紅旆繇來駐重臣。  
仰屋方勞籌釀急，權場何策起商貧。  
鱗魚網到聊開譙，芍藥花濃已過春。  
越客楚帆資挽餽，濟時劉晏彼何人。

泊富春

挂席夢兒亭，弭棹富春郭。  
聞堰浪方浮，赤圻潮已落。  
山城靜，蛟人烟紛漠漠。  
斜照耿譙額，緒風颺旗腳。  
臨流懷謝客，剖符縻好爵。  
枉帆別鄰里，鳴笳韻薄清。  
思絢雲霞高，情湛林壑至。  
今攬清暉新詩緬，如昨翳子櫻。  
世務維繁媿場藿，何時濯塵纓。  
却理尋山屨。

桐廬

瀧名纔七里，乃有千萬曲。  
羣峰蒼深濘，倒影涵衆綠。  
俛鑑色可

秦雲堂詩集卷十五

六

染試汲清如玉一瓢資，盥漱盡洗腸胃俗。  
齒牙粲生花，出語謝綵繹沿流信迴轉，遐眺緬仙躅。  
風過藥草香，為揀桐君錄。

七里瀧

繡嶺迴環映碧江，鷓鴣堰接釣臺躡。  
祇宜一舸攜苓箬，來往風吹不出瀧。

桐君采藥去何之，繫艇來尋水上祠。  
飛盡白雲濃綠合，畫眉聲裏雨如絲。

楓嶺

驛路何辭叱馭勤，雄關盡處越甌分。  
莫寒樹底鳩呼雨，夜火山頭犬吠雲。  
地險尚嚴懸鼓禁，時清不廢習流軍。  
却思壁壘防邊日，笳角聲傳曉夕聞。

灘聲

泉聲使人閒灘聲使人忙去灘尙數里弭棹停孤航温汾復賁  
迅似抑旋更揚入夜響逾厲拍枕驚雷碾無乃地軸迴噲噓陷  
頽陽不然陰火然呀呷揚沸湯忽疑奮馱武勇士赴敵場前軍  
突後隊轟輻爭騰裝又疑古志士萬言溢其吭一吐失先後噲  
沓不可詳聽之不成寐挑燈起傍俚平生事萬端一時集中腸  
併入灘聲中犇騰逐流光百年竟何成頽尾憐河魴何如漱甘  
潔歸卧漪瀾堂

建江

五月暑已酷扁舟嗟毒淫雲絲銜壁細日腳插江深頽尾魚吹  
沫梳翎鶴在陰滄浪有常釣終媿掉頭吟

秦雲堂詩集卷十五

秦雲堂詩集卷十六

金鎖 孫爾準 平叔

岐海集

夜坐

白露濕瑤堦涼氣生金井片月上疎桐滿地玲瓏影

古意

夢裏憶新歡門邊尋宿約貪折玉梅花不道金釵落

病起小園行藥

小園扶杖去秋氣已蕭慘薄病疎綦跡端居動越吟寒花無冶  
色夕鳥有歸心何限人間事清霜向鬢深

蔡端明品荔圖

少陵詩句憶瀘戎浪說酸甜語未公不是莆陽爲題品開園誰  
秦雲堂詩集卷十六

辨火山紅

爭誇釘坐有真人比似姚黃兩絕倫猶幸不隨團月竟免教飛  
鞞走紅塵

癡態由來未可窮龍牙鳳爪遍芳叢莫矜片語曾成識誤認方

家一品紅

舊說楓亭最足珍晶丸今更數漳濱雌黃誰擅陽秋筆好爲端  
明作蓋臣

絕品仍憐未遍嘗江家綠與宋家香驚心又近紅雲社留滯南

州已十霜

爲施石臣題碧社續盟圖

吾鄉前明秦脩敬集十人仿香山故事爲會名碧山吟

社沈石田爲之圖至我

朝乾隆庚寅辛卯閒鄒大宗伯

小桂

張文恪公

令

西植

施大令

兩言

華舍人

文友

顧廣文

千選

鄒太守

亦樓

顧封翁

建元

曹經歷

之炎

鄒光祿

捷

復為會圖

以志之曰碧社續盟藏晴沙觀察家觀察為振川封翁

子既而失之詎齋大令後人庭佩石購得之屬予為詩

履道坊宅香山賓九人一一傳丹青睢陽洛陽復踵起其數或

減或有增是皆簪盍四方彥如滿尚復參以僧豈如吾鄉十室

邑土不外索羅著英碧山吟社翔宏治歷三百載猶代興蒼松

喬嶽互暉映後先成數無虧羸其間二老洵大老道符平格揚

王廷祝

釐圖形在中禁金章鶴髮神逾清穆天經國佐

文治要與麟閣分鴻勳拂衣歸乞鑑湖曲濯纓正愜滄浪情張

泰雲堂詩集卷十六

兄般丈互招喚拍肩挹袂相扶行出世爭尋遂初服處士尙戴

華陽巾疑年計過七百歲春秋積算踰大椿古華山深芳晝永

卧雲石畔陳巒尊瑤草香生石門曉絳桃花點丹臺春清嘯如

聞鸞鶴侶沈醉合作羲皇民骨青髓綠自美好服食屏却常春

藤太平人瑞共傳說好事寫入金花綾銀盃羽化忽飛去楚弓

楚得歸雲衲衰池頓喜還舊觀寶之遠過傳家贏我生太息百

年後東方向處瞻歲星平頭六十來歲是望秋蒲柳驚先零眷

戀

君思未能去回首空愧三休亭支筇何日尋舊隱松根一醉風

吹醒

題黎一樵詩集

昔見二樵以古錦袱裹所作詩塗道不啻再四終不悵

意輒削去不錄檢其初稿實佳作也後刻五百四峯堂  
集多與原藁不同意甚惜之頃荷屋方伯出示二冊中  
多未經改削之作可寶也

女蘿爲帶載容旂奇服山阿世所希火繭水蠶都不御仙人只  
著六銖衣

嘔出心肝太好奇良材半向爨中遺誰知古錦囊中句初寫黃  
庭恰好時

蟬韻桐陰十八篇玉谿擬罷更樊川零珠斷璧皆環寶遺集誰  
收沈下賢

聽雨

斜陽覆地濕潛蒸欲了官書苦未能入夜蕉梧齊送響一窗寒  
色暈青鐙

秦雲堂詩集

卷十六

三

爲恭甫題黃忠端公畫寶晉齋研山圖

寶晉研山圖者誰前有元章後仲圭忠端大儒擅絕學游藝乃  
復能多師南唐龍尾付塵劫宣和良岳亡餘基流傳文穆更文  
恪惟此歷歷猶堪稽當年投贈出秀水不肖擅裹充提攜興來  
縱筆出摹寫慶雲瑞露蒸靈芝三十六峯擬華蓋圖式傳自陶  
宗儀旁觀曠點訝不類所見毋乃隣兒嬉繇來堅碣挺天縱詎  
官刻劃工臺釐星精夜隕宋都震雲華秋裂媧皇遺斷齧縱翻  
心不轉沈犀雖泐骨自奇亡國愁顏終莫洗蟾蜍有淚流生漪  
鼇峯太史私淑久編排遺集右手砥殺青寫定知有日直從夢  
寐傳金篋忽逢手蹟感神貺傳觀素侶爭留題箕尾峭嶸墨花  
黯特立如覩孤忠姿仇池雲峽浪珍弄惟有信國王帶堪攀躋  
却憐米老具袍笏低首石兄空爾爲

題黃忠端寄黃東厓景助手札

千言籌筆值危疑想見孤忠盡瘁時  
四鎮熊羆相搏噬一軍猿鶴自支持  
徒聞尹玉皆從死并少王翊為犒師  
大滌遺書嗟久佚何因勒向洞霄祠

小園

飛雨簷端歇雲銷已見星明蟾如有約  
先到竹閒亭人淡琴心靜涼生石氣青  
絃聲雜流水餘響共泠泠

題小李將軍畫海市圖

唐宗大小將軍李畫苑爭傳名父子  
曾繪離宮殿前水靜夜湍流鳴不已  
開寶往事餘千年與慶圖藉成灰烟  
豈知神物有呵護人間絹素猶流傳  
碧波翠嶺渺無際使我展卷心茫然  
紫石黃睡粲堪數圓嶠方壺如可睹  
倒景歷歷開扶桑仙遊隱隱藏

泰雲堂詩集卷十六

四

懸圃金支翠羽窈冥來霞窗霧閣參差吐  
蓬嶼凌虛貝闕連馬銜邀路馮夷舞采藥  
疑逢徐福船射魚尚有秦皇弩動影恍惚  
沖澗閒突過元虛賦中語眼明對此心神  
開奇觀自昔誇東萊珊瑚洲近接漳浦異  
境時見雲濤堆周棧園書影言漳州亦有海市神山欲近  
風輒引乘槎兩度嗟空回鞭笞起蟄出霜  
曉始信玉局真仙才青紅浮空本無物頃  
刻東風隨變滅萬象已失蒼浪天千秋却  
贖丹青筆人生何者是主賓物理從茲悟  
虛實還君畫圖嗒然坐猶聽驚潮瀟瀟沈

張詩船戶部典試間中出其伯祖文敏公小像屬題文敏

公於雍正二年甲辰王試至闈蓋百有五年矣

展幃欣瞻金粟像臨池舊識玉豪光鳴騶更度連黿頂授記重  
開選佛場衣鉢一家成故事生徒奕世比新昌用楊嗣復事別留翰

墨因緣在卅載蕭齋奉辦香余善藏淳化閣帖後有文敏小像

題徐秋潭將軍田盤三沙兩集卽送其鎮綏靖

昔讀少保威南田盤詩落葉歸雅紛在眼場來訪古到橫嶼壁

壘風雲入遐眇文謨武略繼者誰秋潭將軍洵其選將軍譜系

出中山仍世勛名歷清顯翁歸文武唯所須右毅黃閒左青簡

贊皇筮仕陋科名宇文早歲從靈籙生年三十專城居鞭撻乖

龍如蜒蝮是時鳳尾海盜名海氛惡百葉紅帆若蓬轉將軍身為

士卒先射賊關弓箭親撚百金之士爭選鋒舊部歸趨足重繭

但看鯨鱷刺戈鋌何似鴛鴦舞棹筊楊僕纒收南海帆寇老重

司北門鍵授鉞羣瞻幕府尊校旗特重龜劉典

鑿輿鳳旆值

時巡屬車豹尾陪秋獮金法圖從風后傳玉鈴陣自軒皇演射

秦雲堂詩集卷十六

獲爭趨日暈圓詩成獨得

天顏莞衣著鴛黃染御香纓影雀弁垂雕琢非常顏色

賜臨軒獨答

諮詢隨步輦男兒許

國効馳驅絕漠天山無界限叱馭何辭萬里行迴樞更喜三山

踐相思廿載始相逢無奈情深結歡淺進秩方欣

鳳詔迴總戎益看龍韜展武谿沅水引旌旗撞花犵鳥迎鞅鞞

送君雙繡朝

天行愁聽驪歌設清餞鎮聞還盼八驕來驛路棠陰戒勿翦

秋日招馮雲伯登府胡寄珊寶謙潘鳳書錫侯看菊小飲

雲伯卽席有作次韻

雅游岸幘好相於契密何妨禮法踈翦印帖搜開寶上題襟詩

就笑談餘坐聯素侶皆鄉語徑有黃花卽我廬欲采寒香商出處重來陶令意何如雲伯舊令將樂茲復有出山之意

題吳西林成棟渡海從軍圖

書生初試白鵬冠狎浪方飛赤白丸劇喜枚陳能草檄直教屈宋作衙官筆鋒畫海鯨濤徙劍氣橫秋鶯嶼寒下瀨媿無嘉績紀磨厓百丈待君桀

題董香光待漏圖

筆斷書成獻紫宸魚須鵠立儼垂紳君王屬目承華早識得當時舊講臣

蕭散風神宦意疎乞休何事八旬餘可知剪燭圖成夜已入中山篋裏書

題陳石士用光閣學秣陵使草

泰雲堂詩集卷十六

六

丹詔渙黃麻星漢初乘八月查使節三山開壯觀文章六代掃風華諸生誰擅凌雲草故事還賡鎖院茶却憶舊時都講地重尋題句已籠紗

題馮柳東勺園圖

隱之入廣州一畝不改操謝公慕清流企石返雲嶠出處雖不同均爲智者樂馮君本仙吏捧檄到瀛徼拂衣未暖席柴桑有同調歸尋獨樂園鄰里莞一笑泉流繞屋下一碧淡相照尺水靜無波空綸寄常釣興來汗漫遊舊境重吟眺人生苦匏繫不隨意所造羨君解天嶽來在任蹠踈媿我任海壖十年頭不掉回首龍縫泉颺徑翳藜藿旬時歸舊谿共放山陰棹跂脚漪瀾

堂松風煮茶鈞

偕陳石士前輩曉入華林寺

隔院精藍望裏深出門步履共招尋春晴花湧金銀氣晨誦潮  
翻瀆洞音已過中年欣淨域偶逢初地愜幽襟何時蓮社同歸  
去證取風幡不動心

登釣龍臺懷王鶴村其福

蘭楯青霄上蓬壺碧澗間築臺人已去攜屐我重攀月印釣龍  
水雲銜跨鯉山東菑遺頌在迳石帳船還

寄馮菊人清聘時守紹興

東方千騎領諸侯占取蓬萊作宦遊絲竹攜家薇洞晚樓臺倒  
景鏡湖秋因吟桐月懷元相每溯樵風跂子猷寄語相期殘雪  
夜思君好放剡谿舟

苦旱自責詩

秦雲堂詩集卷十六

七

曜靈燿鳥次大地騰洪鑪宇宙信云廣息蔭曾無區入林摘葉  
卷涉澤寒芬枯擁暘軫行子腊肌憫農夫龍骨挂屋椽鱗隲乏  
沮洳自非政合乖胡此毒熱痛縈繩掃壇往圭璧自郊徂雲舞  
劇求索雲歌甚噫吁西瞻朝陽散東悵雌霓虛土龍但矯首泥  
燕無翔衢精誠不自責胡爲厲厄巫不見新都諒曝庭起雲膚

聞晴芬兄歸里却寄

藹藹東都祖帳頻從風一葉下南瀕授書久繫阿衡望投牒翻  
收自在身雀葢成陰門有客牛衣對泣室無人懸知白傅歸來  
日佛火蒲團穢淨因

賜金趣賣散榆粉排日招邀樂事殷竹簟風前攜舊侶玉堂天  
上語新聞平橘花放君思我泐水葦香我憶君何日襴衫借入  
市盤鈴聞看到斜曛

題沈石田畫卷

橘社鱸莊舊往還歸心日夕繞鄉關  
三高亭下春波闊認得支  
硯數尺山

匏翁題識石翁圖北客吟成寫得無  
想見扁舟招隱去風流二  
老冠東吳

題韓芸昉中丞龍湫燕坐圖

自言繪圖時方捕海盜

天孫織綃九天上銀梭脫手三千丈  
靈湫老龍起攫之玉屑雲  
英紛震蕩天荒地老閱莫開詎那尊者從西來一朝卓錫結茆  
任至今亭子名忘歸往劫迢迢歷千祀兜率翻身重出世仙吏  
爭傳樹羽來寶公自記金環誌迴首前因一剎那團蒲舊迹山  
之阿風輪度世值小劫毒龍五百揚洪波要憑閱普掃狂孽正  
仗定力降諸魔放仗波旬齊膜拜面壁冥心觀自在手翻海藏

秦雲堂詩集

卷十六

八

倒龍宮大千洗出青蓮界數息仍依祇樹邊  
安禪正與蒼厓對  
而今六詔更七閩行脚到處生陽春  
天瓢馬鬣一萬里灑作霖  
雨甦疲民自憐面目黃塵改袈裟認取當年人  
往事青紅消幻  
蜃心如古水波濤定證果還留色相身  
寫真自結跏趺影我生  
有願企禪宗自別青霞沒舊蹤  
何時柳栗從公去一洗平生芥  
蒂胸

有作寄晴芬

早慕忘機樂靜閒仍攬世網是非閒  
爲貪美蔭懲黃雀故啓雕  
樊放白鷗金絡籠頭真自困泥塗  
曳尾好知還日長一枕松風  
夢媿憶通明已閉關

壽陳恭甫六十

南州大雅仰扶輪爭慕風流效墊巾  
藏室書歸周柱史名山論

著漢經神博通夾際空前輩兼擅長蘆有替人

夾際積數十年之功為經旨禮

樂天文地理蟲魚草木之學皆有著述又討論圖譜三書君之

學實似之國朝頭儒林立而僕學之外兼擅六詩三筆者頗

難其人惟小長蘆奄有衆脩到娜嬛原是福每來山館輒逡巡

長以君儷之始無媿色

人間爭說魯靈光六十平頭鬢未蒼服餌無須赤松子畫圖久

戀白雲鄉君乞養歸書戀雲圖閒居燕喜依紗幔清話從容數玉堂停却

輶軒開講舍新陰桃李謫門牆

蓉湖擊棹縮交先嘉慶辛酉君入都先過蓉湖見訪聯步花輒證宿緣逮我下

車趨拜日是君鍵戶著書年東甌史筆千秋擅著東越儒林文苑二傳左

海名文編萬口傳況有符郎能徧讀故應長戀在山泉

鈴齋躡履每相迎捉麈談深見性情裴秀知能周郡國子瞻人

惜未公卿且勞文獻徵前事為誌方輿紀太平時奉延一曲琅修省志

璪將進酒二分春色滿榕城

秦雲堂詩集卷十六

九

題曹能始自書端陽詩

野史纔成禍已隨拂衣歸詠石倉詩若教卜築匡山就儒藏脩

成自一奇

角黍蒲觴蜀國絃幾回重午醉西川珠簾畫舫渾如夢憶別蓉

湖廿四年

題林陽谷賓日飼鶴圖

瑤臺有逸翮云是仙人驥馴之脩竹堂飼以瓊花穗三疊舞琴

心養性夙所寄一朝跨之去雲衢自遊戲唯餘圖中人坐石若

有企蕉衫謝金章風骨自超異舊學遡龍湖自昔談經地河洛

守遺傳諸生析微義鳴陰況能和培風在雙翅誅蕩鴉雲霄羣

瞻羽儀瑞乃知晉公廬足驗三槐志他年裴相島更拜銜珠賜

飲芸昉中丞杏花村酒賦謝

杏花村枕汾水濱村中風氣含古春春光駘蕩何所著散入汾  
酒清而醇世人題品誇勁瘁其間真僞誰能分我生小戶氣先  
攝聞名感額愁沾唇先生一笑爲洗謗特傾家釀來娛賓定甕  
滿瀉色無別梨花遜白梅遜芥揚州雪液未堪擬劉家白墮安  
足珍一酌面皺舒再酌骨髓醺三酌華胥在人世太和益益還  
其真元忠豈知僕射樂陶潛本是羲皇人麴生風味有如此世  
間耳食猶紛紛先生辨酒如辨土淄澠一滴區醜厚杜康千載  
尚冥感當世那有銜冤民君不見洛陽糟邱心莫逆太白詩寄  
元參軍東坡吟索六從事北海百榼言津津媿無好句答嘉貺  
使我未醉顏先頰十日願追河朔飲餘滌宵祭勾芒神行沽偷  
許向西笑錦坊豔拂青帘新濡頭腐腸無不可莫待落花亂打  
劉伶墳

泰雲堂詩集

卷十六

十

題陳石土焦山紀遊圖用東坡詩韻

海雲香界深耽耽夜禪入夢尋淮南詰朝展圖見峯嶽烟水往  
復三千三圖中有客興方逸笑我病卧如春蠶焦先堂上記招  
手十年不到心懷慚壯遊却羨玉堂彥輕帆直過菖蒲潭山川  
文采相映發梅檀風日方清酣胎仙蛻骨訪遺碣驪龍偃浪聽  
雄談叅禪故事徵玉帶呈佛好句留珠龕名山有靈感知已自  
厓欲別情難甘生綃貌取入行極烟霞有癖何妨食何如共結  
香火社打鐘汲水吾猶堪鶴林寺側餘淨土海東勿戀枕椰庵

泰雲堂詩集卷十七

金鑣 孫爾準 平叔

蒐兵集

三角埕題壁

餘春池沼點青錢可惜來非齒昔天桑下浮屠曾一宿花前過  
客又三年蒲團暫憩塵中躡茶串聊參靜裏禪前路雲山正相  
待更教侵曉著吟鞭

渡烏龍江

江頭一炬薦椒巒百步先聞響怒雷濤勢合流趨海壯破形中  
斷向天開鳴笳疊鼓驚鷺迅擊汰張帆空翠來形勝居然雄鎖  
鑰地靈應有不凡才

興化

泰雲堂詩集卷十七

朝嵐銜日紺玉鮮香爐沈沈生紫烟綠秧刺水平漠漠蝴蝶翻  
風無處落低橋百尺枕水眠祇通人行不通船串月畫船如畫  
閣令人却憶江南樂

送春日興化道中作

峭寒驟暖幾番經帽影鞭絲去不停一片落花縈馬首始知春  
已在岐亭

龍巖

過盡松陰射曉暎駐師橋畔問湖邨欲尋丞相題詩處擊石誰  
招朱鳥魂

試從仙掌認仙家指點猶封洞口霞青壁千尋無路上天風吹  
下碧桃花

林田

山深鬱風氣朝日草木香濡露尙涓滴浮綠生衣裳徑轉左厓  
豁秀色開平場人家倚山麓應節初分秧習劬若有得羨此引  
興長我行日有程欲任刻不遑農歌樂相荅回首懷江鄉

歸櫂將抵會城阻雨小泊竟夕不寐口占

扁舟前路載欣奔縹纜何期傍樹根十里城頭笳吹斷一宵篷  
背雨聲喧預愁候騎掀泥淖却盼行軒趁曉瞰咫尺江湖無定  
跡何煩季王與推論

驛夜

雨約清涼到夢迴山驛空衾寒人擁絮窗暗燭搖風狼宿臨關  
右龍身陷浴中有懷三輔地欲語與誰同

陀市雨餘曉發

纔歇檐聲便據壘望中平野尙漫漫峽琴石齒調殘曲雲絮山

泰雲堂詩集卷十七

二

頭護曉寒行役已教成習慣泥塗且莫怨艱難接空禾黍油  
綠一路先聽部屋歡

溫州示郡守呂仲瑛子班

山水東甌自昔傳查浮赤石接風烟莫教王琇驚山賊見說孫  
恩葬水仙浪偃鯨身欣此日幫聯鳳尾憶當年撫綏只有樓攻  
媿願免防秋勸力田

龍母祠

世間恠事無不有蒼山乃有誕龍母母氏曰周或曰江年方及  
笄女非婦浣紗得石忽有娠不異蒼精吞在口父疑母嘗不自  
明臨蓐捐軀赴清瀏龍生豈期學蜥蜴母腹居然遭醜剖時代  
恠惚不可知龍去昇天母骨朽何人好事爲立祠傳以青黃成  
土偶傳聞尙有夫容衫血漬斑斑仍世守明嘉靖年歲大旱禱

禱無靈星在醫剪衫如掌試一焚空堂儻忽騰蟻商羊石燕  
隨指呼疾比靈符纏左肘陵谷頌洞木斯拔壇席依然尊湛酒  
血衫已盡今迎神前驅所到甘盈任惟虞中路肆豪奪盛陳儀  
衛嚴千掖我聞鱗屬三百六幽明出入龍稱首祖洲舊有千金  
方起死回生猶反手貝闕鱗堂奉母居食以五花千萬壽胡爲  
塵世歆血食指搗漫逐風靈走智蟲之智乃若斯余且魚服誰  
之咎繇來此語胡所徵藉藉流傳千載後水官棄矣疇得知無  
乃聞之亡是叟

永嘉道中

西射堂何處垂鞭問去程花濃蕭寺路草占謝村名丹壁題詩  
在雲梯蠟屐行清暉自昏旦不盡古今情

夫容村

泰雲堂詩集卷十七

三

山水英靈到已驚圖經早歲豔村名秋邊有夢通滄海望裏如  
霞接赤城草樹都含丹藥氣澗泉猶學珮環聲胡麻飯未離塵  
劫願逐龍湫杖錫行

台州登四照樓

壘巘浮晴翠掃空雲膚俄頃詫神工登樓得句來天外小雨移  
山入畫中流水桃花仙子室金庭芝館化人宮靈源咫尺猶難  
到已似開元鶴髮翁

鴈池

鴈池奇絕冠山靈卓錫東來始築亭却怪謝公開鑿手當時屐  
齒未曾經

宿宣海紫光寺

到門雙樹帶垂藤暫嚮精藍寄曲肱星駕謾言乘傳客雲堂恰

似借單僧憩餘香靄隨風散靜裏齋鐘報月昇回憶少時曾畫  
粥塵容媿對佛前燈

明州東方穎齋

東南形勝甬中饒管領重煩借寇遙地控扶桑先見日波騰爛  
甚易聞潮關嚴鎖無飛牡盜逐桂苻有徙臬卽事尙煩紆畫  
策深談坐到篆香消

紹興懷古

焚舟誰念燼餘灰采葛歌成石室回存魯師如茶火去沼吳人  
自苻羅來五千甲楯傾強敵龍虎山川逞霸才今日登臨亦蕭  
瑟鷓鴣飛上越王臺

富貴繇來召禍因却欣書繡炫鄉人虎符乘傳許莊助駟馬還  
家詫買臣友壻難忘前日態故妻徒逐後車塵要知白首同歸

秦雲堂詩集

卷十七

四

處莫怨張湯報復神

蕭山與何寅士夜話

烏榜招尋傍釣潭相逢各訝鬢毛髮吹唇欲沸三年事笑口徒  
供一夕談蘭渚羣山欣拄笏尊羹千里夢抽簪季鷹大有秋風  
興世路艱難已飽諳

嘉禾道中

厯厯樓臺倒影虛垂虹迤邐接通渠思鄉漫詠吳趨曲懷古閑  
緜越絕書秋色蕭蕭漁絕外客愁渺渺鴈飛初綠葦結岡何年  
事會景園邊好卜居

江頭

離管初殘夜漏鳴送行客散未成行扁舟且向江頭泊臥聽秋  
潮萬鼓聲

寄書農

片帆挂西風過堰勢猶縱雲山滿前路吟賞但孤諷武林旬日  
任冠蓋徒一闕惟有素心人跡踈誼彌重我來君不迎我去君  
不送迢迢百里間脈脈兩情共識君通籍初掎裳日陪從袖書  
天祿閣流覽快博綜析奇必互證得句輒交誦丹地方聯蹤青  
霄忽分狉聚合如搏沙一散不可控羨君早知機歸抱漢陰甕  
媿我尙游仙未醒邯鄲夢迷途盍知返相見恆自訟歲月不復  
回空名竟何用誅茆擬就君來往如求仲

江行雜詩

笳吹凌晨競蒲帆向晚驕秋迎青嶂月人趁赤亭潮訪古情徒  
切懷新路轉遙謝公遊眺處吟斷不堪招

楓葉冷斜陽秋容七里長荻洲藏欸乃漁舍倚郎當許劍亭何  
泰雲堂詩集卷十七

五

處垂綸石已荒漫多懷古意吾興託滄浪

喧聲逢曉市漁艇集江干波淨谿成穀香清岸有蘭烏傷分舊  
縣羊卧冷仙壇會有著書與何憂石室寒

扁舟和鴈宿孤枕聽猿驚勝地逢秋好羈心入夜清藥香滋露  
散水氣結陰輕若到千峯樹知應減宦情

江行

門外家家漁網懸買魚沽酒不論錢解維最好斜陽裏紅樹秋

山送客船

瑟瑟谿流碧四圍高秋雲物晚依微一襟詩思無人會却讓鷺  
鷺眠釣磯

下灘

上灘如上下灘如入淵逆流輟登阪順流箭脫絃船頭俯啄

駭欲沒却值檻泉威沸推船直出羣峯巔峯巔兩岸騰萬馬驟  
驛左右相後先不知輕舟隨渦旋轉不得住翻疑袖有秦皇鞭  
回波乘間忽一駛但覺衆山倒走紛聯翩風帆篙櫓棄不用惟  
恃船頭一人指撝持挺名長年人生失足在怪意況乃四旁銳  
石相磨鑄垂堂之誠古所凜宗慈豪語非萬全螺女江頭幸出  
險喜見船人酌酒企脚皆高眠

泰雲堂詩集卷十八

金鎖 孫爾準 平叔

思無邪齋集

題沈夢塘

學淵

東越脩書圖

人生不作蒙董仙便合東觀研長編鳳巢仙吏盡紅粉兩行椽  
 燭難金蓮却愁作史亦良苦後來文義紛拘牽退之行行號岷  
 強尚惕刑禍兼人天何如名山耽著述却勝藏室懷丹鉛江淹  
 畏難莫如志三長兼擅才非偏九丘八索既茫昧山經體例猶  
 堪沿濫觴樂史好坳益思苞六合羅方圓三山秦漢一都會無  
 諸建國開瀛壖道山亭上一延攬蓬萊方丈森當前丹山碧水  
 孕奇秀者儒傑士如比肩其間物產亦殊絕綠茗丹荔含風煙  
 百年以來文獻佚間誰有筆能如椽休文賢裔習家學八志直  
 泰雲堂詩集卷十八

湖堂塗先太邱道廣謂恭甫太史擅博物宮商互應聲相宣一時妙  
 選合羣彥坐擁油素排長筵訪奇欲過蜀都賦自注略仿山居  
 篇書成傳抄競紙貴入手何啻珍珠船畫長文讎亦不廢西湖  
 十頃花婢娟綠陰疎雨稱高卧歸夢不復尋青田興來寫入行  
 看子他年勝事爭流傳好奇采異性所適遇合到處皆隨緣懸  
 知直筆鄙佛助一笑蚨蝶驚翩翩

西禪寺

吹面風和氣已暄連錢蹀躞趁朝暎出城薺麥茫茫綠側帽微  
 吟到寺門

題白將軍畫像

將軍名雲上字秋齋官江南平望都司盜賊屏迹遷揚  
 州遊擊金山參將終漕標副將官揚州時靈亂斷炊沿

江挽薪舟數百輸市億萬戶賴以火食又冒險救火至  
今人頌不衰呼爲白將軍陳榕門相國與書獎勗終身  
恪守其訓旣歿揚人祀之名宦祠

藏園作詩工寫生我誦詩識將軍名時清不上凌烟閣別開生  
面圖丹青狡狴之齧曼胡縷明光細鎧棠夷輕右手拂髯左按  
劍秋氣颯爽橫眉衡將軍開閩江南北赤馬如龍馳殺賊鯨鱗  
紛逃震澤宮銀蟾冷浸琉璃域維揚沈寵生蠟衣薪蒸斷市炊  
烟稀江船落帆爭避雨將軍檄到行如飛社中有鳥鳴讀諱神  
鬼焦爛芙蓉旂手挽天河須壯士祝融亦避將軍威將軍此日  
去已久遺事流傳滿人口蜀岡峩峩邦水長將軍之名同不朽  
承平文吏傲頗牧偃武靈臺埋暢恬熙豐熾生榮芽先應誰  
能窺左足君不見前年長水軍船迴青天白日轟霆雷殺人如  
秦雲堂詩集卷十八

草莫敢開溲港處處浮肢骸又不見楚州游鼻動千百齧船如  
山行不得跳梁貉子何足云捧到虎符爭動色黃騶少年竟誰  
是臨事至今思白起上游羽檄縱橫來不及桂林書一紙上書  
論定將軍功不媿廟祀千夫雄莫道書生一丁字足勝材官五  
石弓

午睡

一榻橫陳掩映深幽齋漏靜晝情悄柳榴枕冷欹山字篤耨烟  
輕熱水沈養疴有方唯習嬾清眠無夢爲安心睡餘情思馮誰  
說小啜茶香坐綠陰

中秋夕登明遠樓月色如晝四顧悄然獨坐有作

游零盡揭湛玢璘寂靜文昌景更真最好中秋三五夕一時同  
夢八千人意中月府會聞曲望裏星橋欲化銀明月紫雲同奏

技問誰得句果如神

填榜日簡陳石士學使

重陽漸近雨風顛詰旦輕陰造榜天卧病久疎桑落與秋懷無  
那菊花妍投簪媿我行難果贈榮愁君去獨先莫悔白頭歸計  
晚題名已誤卅年前

重九日病假

蕭檐風日透疎林節物題糕入越吟  
棨木莫扶垂老病茱萸徒繫故鄉心  
夢魂頻返黃花徑寒信驚催白帝碁  
歸計未成聊請告暫閑簿領當抽簪

小園

莫厭芳園小還思締搆勤  
疏泉暮響瀑壘石學晴雲蝶下尋  
難隱花香近易聞病來疎把酒閑坐到斜曛

泰雲堂詩集

卷十八

曉聞鳥聲

西園多嘉樹羽族羣聚鳴客夢初喚回  
五更天欲明纏綿復嬌銳百種不可名  
清機漸相引胸次曠無營猶嫌落城市未盡  
間關情舊山春二月幽逕無人行樹底坐聽  
之吟詩靜相賡煩君聊比似兩部鼓吹聲

贈邱浩川傳海外牛種法治小兒痘症其術割臂微破見

血敷藥兩三日卽出痘一二顆結痂甚易終身不再發百

無一失

夾白靈丹信有神不全吹鼻太酸辛  
阿難悟後都無染掃盡天花不著身

花不著身

陳聶傳書始李唐曾聞痘種自蠻鄉

說見醫統

可知根蒂非中土須

得龍宮海外方

烟霏每使鼻成壅  
侑酒徒矜琥珀濃  
賴有靈丹能保赤  
稍償流毒阿芙蓉

不寐

擁衾愁對短檠  
明月苦霜寒近五更  
拙宦每懷歸隱計  
一宵常抱百年情  
病來思膾真鄉味  
老去聞雞是惡聲  
祇有君恩猶未報  
自嗟筋力媿餘生

泰雲堂詞集目錄

卷一 雕雲詞

渡江雲

青玉案

調金門

金縷曲

齊天樂

臺城路

沁園春

臺城路

百字令

滿江紅

泰雲堂詞集

目錄

念奴嬌

水調歌頭

齊天樂

金縷曲

邁陂塘

邁陂塘

燭影搖紅

玉樓春

賀新涼

河傳

賀新涼

前調

摸魚子

東風第一枝

前調

滿江紅

青玉案

木蘭花慢

石州慢

風入松

探春

喜遷鶯

壺中天

琵琶仙

秦雪堂詞集目錄

天香

鳳棲梧

解語花

疎簾淡月

疎影

綺羅香

萬年歡

虞美人

齊天樂

江城子

露華

曲遊春

釵頭鳳

邁陂塘

醉落魄

摸魚子

木蘭花慢

齊天樂

齊天樂

玉樓春

齊天樂

摸魚子

前調

木蘭花慢

秦雲堂詞集目錄

金盞子

卷二 海棠集樂府拈題

齊天樂

前調

賀新涼

金盞子

水龍吟

宴清都

齊天樂

菩薩蠻

浣溪紗

虞美人

水龍吟

江城子雲詞

掃花遊

臨江仙

醉太平

齊天樂

國香慢

雨中花

如夢令

夏初臨

菩薩蠻

減蘭

三姝媚

臨江仙

齊天樂

望梅

徵招

玉蝴蝶

醉落魄

齊天樂

采綠吟

賀聖朝

杏花天

齊天樂

臺城路

疏影

疏影

賀新涼

卷三 荔香樂府

滿江紅

摸魚子

滿江紅

南歌子

紅情

綠意

秋霽

秦雲堂詞集 目錄

摸魚子

綺羅香

小重山

五綵結同心

摸魚子

買陂塘

青玉案

卜算子

鷓鴣天

洞仙歌

夢芙蓉

青玉案

百字令  
漁家傲

秦雲堂詞集  
目錄

六

秦雲堂詞集目錄

秦雲堂詞集卷一

金鎖 孫爾準 平叔

雕雲詞

渡江雲

登北固亭

楓林紅盡處孤亭湧出四面瞰秋光正渴虹飲雨兩點金焦晴  
翠滿空江秣陵瓜步依稀辨烟樹微茫殘鐘歇白頭僧到閒話  
說齊梁 堪傷酒旗戲鼓都已飄零問瓊枝誰唱只為是一番  
佳麗做出淒涼一卷北固青如畫銜盡了千古斜陽題壁罷潮  
聲打到城牆

青玉案

曉行

空廓撲撲飛仙鼠正鐙暈花初吐算此際愁人最苦柝聲不斷  
鐸聲相和有夢如何做 馬嘶人起三通鼓又古道衝寒霧記  
秦雲堂詞集卷一  
得瑣牕燈火處簾兒初放冠兒未摘猶倚屏山語

謁金門

寒惻惻極目半空雲濕雨態橫斜烟態直做春陰天色 路轉  
垂楊巷陌沾酒溪村南北帘縐波痕翻未得東風初著力

金縷曲

寄施錫蕃

別又三年矣誰知道飄零更遠越王臺底溱水月明通桂水憶  
著故人千里最難得它鄉昆季時借難弟網白髮高堂方健飯  
故鄉來一語差堪寄想正值望雲際 聯吟況有青蓮李試為  
問烏鬢秋色干卿何事三十男兒名未就快意且當如是算畢  
竟誰人名士虞仲宅荒鄒浩死古今來不朽文章耳莫負了千  
秋志

齊天樂

答周生雨中見憶詞

午眠未熟桃笙膩苔痕潤流方礎柳色迷烟荷聲喧睡愁入水  
雲深處新涼入戶憶舊日天涯同袍儔侶五葉旛風替提共聽  
戒壇樹傳來魚訊驟喜說扁舟計就盟向鷗鷺販橘風香采  
萼月白好趁三衢歸路紫茄綠芋已種向階前待君同任聽取  
西牕翦燈深夜語

臺城路

爲周景唐悼女

攪簾柳絮輕如夢樓空晝陰催曉紫石刊書金瓠製詠腸斷曼  
華瑤舜淒涼不盡又花擔餉簫隔牆聲隱一樹棠梨清明幾日  
殯宮近樊南賦情未減奈中年已後哀樂難省挂壁琴絲壓  
奩繡譜的的香痕脂印書梁塵冷便燕子歸來紅絲誰認寂寞  
黃昏小庭涵月暈

沁園春簾

泰雲堂詞集卷一

一桁低垂小小珠櫳鬱金畫堂把春寒約住棟風輕拍波浪皺  
過花影微颺寶押垂來畫叉收了愁殺梁間燕一雙黃昏近說  
春陰似墨悶掩銀缸揚州十里橫塘可記得三生杜牧狂有  
玉纖小揭斜窺月額鳳尖輕蹴淺露鬆鬅行過回頭度來剗襪  
不隔相思只隔香迴闌外聽落釵聲膩知卸殘妝

臺城路

竹簾

湘雲擘盡絲絲雨烟痕未消輕翠疎尊敲碁隱囊臨畫垂在綠  
陰陰地愁人無計是隔戶相逢怎生迴避深院悄悄爐香惹住  
裏心字黃昏鎮垂銀蒜待玲瓏涵月便貯秋意河影斜捎夜  
涼微度夢繞一泓烟水墮釵響裏又未了梳頭喚人鈎起生怕  
歸來悞他雙燕子

百字令

畢秋帆尚書初卜韓靈巖山復徙他所此地極幽  
猶在馬鬣歸然憩息之餘不勝傾歎因成此調

巖寒翠老被天風吹作半空絲兩人在松陰濃處立濕透秋衫  
白苧湖卷天迴雲將山去漸沒遙空樹暝烟催客欲歸幾度延  
佇亭館靜倚山根一坏馬鬣驚翠開庭戶明月不來空宿草  
誰唱鮑家詩句葉冷烏啼苔荒鶴怨一片秋無玉繚垣愁鎖遊  
人還自來去

滿江紅 吳宮懷古

占盡繁華也直得夫差一死況剛值苧蘿人到湖山如此三載  
君臣爭忿辱五千甲楯矜奇智笑美人絕代贈離家癡人耳  
壁月唱臨春起後來者誰堪比歎風流千古而今盡矣苔徑空  
留麋鹿跡江濤盡是英雄淚只憐他目看沼吳兵東門裏

念奴嬌 月夜汎舟太湖

琉璃無界又接來玉魄清輝三五一碧秋光三萬頃點上小舟

秦雲堂詞集卷一

三

狂舞身外龍蟠夢邊鶴掠胸次寬如許舉盃酌月不知誰是賓  
主 人世老却坡仙洞簫吹徹清景誰能賦多少吳宮花月恨  
換得一襟秋露角里村荒毛公壇冷仙也隨秋去鵝鷓解意昔  
人飛過沙渚

水調歌頭 月夜登包山翠峯絕頂望太湖

今夕是何夕天上玉京秋包仙去後遺却笙鶴在山頭七十二  
峯烟翠三萬千頃波浪都作月華流西子此中去極目少扁舟  
更何須銀漢水洗雙眸一聲吹裂霜竹喚起玉龍游我欲乘  
之東下看取玉壺天地何處有瀛洲身外且休問醉酌碧花甌

齊天樂 蟬

翠陰如夢遺枯蛻聞聲便含凄婉望處凝烟聽來疑雨每到疎  
時難斷商絃驚換聽曳過殘聲纖柯猶顛寫入琴絲爲渠譜盡

故宮怨 離情酒醒何處正山空古驛人在孤館金井秋深銅  
盤露濕愁外斜陽易斂西風茂苑怕瑤樹吹涼綃衣驚晚塵鬢  
如今向水奩怕見

金縷曲

章孃者幼給事山西裴中丞家以琴授女公子後  
嫁爲廝養婦流傳至武林偶至許周生家述達感  
喟與之琴音韻不凡周生爲製金縷詞並邀同作

絃語明如訴記少時師曹紅粉教彈白紵學語鶯雛飛不定春  
在翠簾深處更紅燭蘭堂夜午喚取謝娘彈一曲儘曲終不許  
周郎顧纏頭錦紛無數 東風一去春無主似落花隨風飄墮  
頓成塵土也似焦桐心半死忍理年時金縷却壞就傷心圖譜  
我亦江南腸斷客怕哀絃飛作青衫雨莫爲我再三鼓

邁陂塘

颯西風漬紅沈翠銀塘稜稜如甃水烟漠漠吹香遠割取澄藍

泰雲堂詞集

卷一

四

幾畝秋八九漸撲水蜻蜓舞過花時候棹歌聲驟見輕浪濺  
柔條紫腕采罷鳳鬟溜 堆盤買乞與春纖輕剖最嫌澀指如  
鏞僂人拈取紅鸞問纖樣尖尖誰鬪算只有有飛鳳凌波比似  
幫兒瘦湖船去後想釵股凝香鏡規漾月歸夢冷鶯脰

邁陂塘

萍

柳棉飛無端夜雨東風重幻身世鈿鈿遮徧樓臺影春色三分  
餘幾拜翦利也未許裁開一幅青羅膩輕勺圓細只鴨浴輕翻  
魚吹偏活占了菱荷地 過上已定有湔裙人至青銅難寫蛾  
翠鈞絲乍拂輕痕破恰有遙山螺髻滄海裏想鷺地相逢悟徹  
浮生意天涯情味怕蕩子難歸愁人欲別點點是清淚

燭影搖紅

戊午立秋

見說秋來尋秋不著秋何處蕭蕭黃葉響西風却悟秋來路傍

晚涼雲約雨又漸向西樓歸去酒醒箆滑此段新涼要人分付  
且待明朝高臺試上呼秋語奈秋問著總無言贏得悲秋句  
已是江光曳素涵一派雁聲清苦便應說與倩喚秋歸莫教秋  
任

玉樓春

秋衫澹澹裁新紵蝶繞袖羅飛不去潛行鴛跡覩紅香私語鳳  
鬢吹綠霧黃昏重到迴廊路獨立花陰無意緒月華先上曲  
紅闌似識玉人曾凭處

賀新涼

此以贈

二娛唐薦入都枉過留飲復餞送於蓉湖舟次屬

乾鵲簷牙噪雪初晴蓬蒿三逕爲君却掃十載尊前重攜手青  
鬢韶華漸老儘痛飲過申犯卯翻柅蘇臺烟月近恁吹簫市上  
相逢少轉眼又五雲香 萋萋畫鼓催征棹慢俄延蘭舟重上  
秦雲堂詞集卷一

五

河傳

玉尊重倒已約明年梅花發相見長安春早怎奈此臨歧懷抱  
山色也如人惜別過長亭十里青難了雅背暮因殘照  
昨夜燈爇晚涼多半臂教添越羅倚嬌的人嬰母螺迴波暈紅  
春滿澗了烏窻深噴負約推忘却夢裏偏逢著起身遲暗尋  
思來時問他知不知

賀新涼

題祝蘭陂侍讀山寺讀書圖卽送其觀察西秦

岳色披蓮蕊照郵程旄星夜落軍烽晨起立馬函關關口望指  
掌山形聚米何用借丸泥封閉一劍烟塵看淨掃算范韓原是  
書生耳聽朱鷺入鏡吹知君素抱澄清志看揮毫文成倚馬  
墨磨盾鼻插羽紅旗馳露布奏捷甘泉宮裏纔酬了韜鈴奇計  
回首僧廬寒晝粥正一編夜讀陰符秘畫中景尙能記

前調已未三十自壽詞

回首懸弧矢歎男兒居然三十年華撚指騎省潘郎生白髮差  
得兩年而已況此日浮生殉繫獻賦金門張角忤更一囊難索  
侏儒米算可是儒冠累壯夫不屑雕蟲技儘天公山林廊廟  
憑他位置千載何須詹尹卜龜筮焉知此事要史筆煩公後死  
但說文章堪報國恐蒼蒼未盡生才意君莫笑言夸矣

摸魚子

挂蒲帆孤棹逕上凌晨又渡淮浦計程第一江南驛認得疎林  
亭戎應漸許趁風熟蘋香歆夢聽柔櫓羈愁誰訴指沙雪吹寒  
祠雲晝夜中有落鴻語孟雲路淮海仙人曾駐而今秀句誰  
賦蓬萊往事知多少羅帕淚珠偷聚君試去向舊日洲邊問取  
閒鷗鷺一年兩度笑送汝春江匆匆便返已見冷紅舞

秦雲堂詞集卷一

東風第一枝庚申元日

六

彩燦喧晨銅壺餞臘年華一霎偷換獸尊屠酒初斟雞戶曉光  
漸散焚寒宿冷尙障任東風新暖縱玉梅未醒花魂已是看春  
心眼拈好句試題玉瑄聽笑語乍寒銀蒜額癡已鬪花妝釵  
勝未圍柳圈翠生紅豔摠輸與鳳鬢先占便算到半月燈期預  
約鬧蛾嬌伴

前調立春

玉瑄回和綵旛颺曉東風一夜吹轉纔教散入紅鞋早覺曹騰  
夢短撩紅撥翠總付與東皇拘管料鬢蟬揀取新枝人在玉香  
庭院認草甲金鉤乍展驗池角銀鱗欲泮丁宜挑菜鸞韓南  
陌芳遊須緩遲吟欸賞莫怨道今年較晚敷芳訊消幾番風定

有社前雙燕

滿江紅 題友人乞食圖

不食嗟來便饑死誰憐臣朔算除却申田院裏此身奚托程尉  
一錢都不直於陵三日何堪學笑淵明猶是有閑情詩篇作大  
也吠聲何惡人也罵吾何作說當年杜老殘盃冷勺烈士誰憐  
桑樹下才人且唱蓮花落指播間寒食紙錢風尋東郭

青玉案

潤州待潮時仲冬初九日也

暮烟叢裏千帆卸明月約潮初下正去任客愁盈把江神何苦  
強來解事欲為留行者登臨覓箇樵漁話此處有寄奴宮榭  
莫把興亡間事惹柴窰天色明霞落日燒上描金畫

木蘭花慢

曉行

愁心誰替說聽鈴鐸語郎當正影偏霜寒柝敲夢斷擾擾晨裝  
落月似憐倦客戀塵顏餘照恁蒼涼鏡裏暗凋朱彩鬢邊怕點  
秦雲堂詞集卷一

七

元霜溝傍流出紅芳一度度送年光便玉醖澆春銀箏譜夜  
那滌迴腸問訊長亭柳眼去來頻定已識蕭郎解得別離情緒  
從今莫教絲長

石州慢

平原道中

雉堞崩雲鷺堦斥烽頻記車鼓麥寒餅餌吹香風氣全開齊魯  
村醪薄醉閒情正泥孤懷客愁長挂斜陽樹幾度過柔乾把華  
年虛負頻數印蹄沙淺折轂危漸辭燕路馬首山青入眼  
橫邀詩句微吟側帽聒人慙亂昏鴉帶詩沒入烟叢去古道不  
逢人儘看天無語

風入松

渡蔡園記事

翠香院宇小亭池最好曉涼時迦紅早有蘭船橫步鴛屣萬綠  
雲迷蝴蝶撲衣狂舞把伊認作花枝平臺正與縹檐齊扶膝

女牆低天風不怕輕吹去留仙縹裙褶雙垂上到翠梯高處扶人兜上鞵兒

探春 留別晴芬

炙視聯吟炮燈孽夢京華同是羈旅惜別花飛吹愁塵滿忽作匆匆離阻回首來時路又依舊一程程去祇驚喉館重經柳陰添得如許可念歸雲倦羽怕化盡緇衣青鬢衰素短策詞乖長門賦賤應悔來時原悞別淚青衾溼也抵過渭城朝雨三疊陽關旗亭畫爾詩句

喜遷鶯

初秋道暑與花農薄莫放舟山塘至嚴橋畫鷁街沙鷺鷓照水清歌胃波繚繞不去倚拍怕和獨得其妙月梳既上撥棹齊歸烟水渺然尾聲猶隱因成此解花農約他日載酒喚雙鸞也此詞於莫霞新月底亦白石老仙去後無此樂也

彩虹晴粲觀夕陽波面粲翻紅隱金盃調水玉纖却扇平展寫秦雲堂詞集卷一

蛾清鏡倚酣橫短玉引歌串壓波涼迳畫舫怕傍翠簾隙底羅麝香溼燈影約不定忽轉棹聲歸路山塘近花彈雲鬆綃圍玉軟鑪鴨一川烟暝目隨鴻影去誰與遞重遊芳訊料映燭御醉妝臉龐紅暈

壺中天

斷霞銷影蕩孤舟明月水隨天遠澹到秋光無著處落盡排空箏雁散髮抽簪洞簫橫玉吹徹關山怨不知塵世紅樓幾處高晏最惜足練澄江謫仙仙去清景無人管狂態當時誰識得月裏素娥曾見鐵鳳翻空銅駝換劫幾度冰輪滿船頭露坐葦香吹雪飛徧

琵琶仙

法原寺海棠

雲纈晴酣趁清曉乍試傾城梳掠最是無賴東風餘寒弄鈴索

休但說燕支淡了漸吹得粉痕都薄淚眼看花花應有語同是  
流落問誰爲千里移根便生把明如嫁沙漠昨夜夢回金屋  
被嗔罵呼覺塵土澗何曾覓個卷簾人爲問飄泊賸有羈客春  
愁無聊尋著

天香

桂花

毳釘金勾犀攢粟碎西風早試花信色豔酣秋熏濃酷酒人醉  
蜜脾香滲小山賦就招曉夢重尋舊隱涼魄檀藥浸到霓裳珮  
聲還認金魚記曾鎖恨未容窺翠陰清潤一點額黃偷注國  
香誰贈留得斜陽半院好與覓元霜搗金鼎賸取相思尊前細  
省

鳳棲梧

采香蓮牒空烟銷扇掩蟬羅鑪鴨微紅炷一片晚涼無著處行  
泰雲堂詞集卷一

九

雲斂作瀟瀟雨昨日西樓新雁去樓角梧桐一葉拋秋句刀  
剪夜燈深幾許隔窻蛩語人無語

解語花

窻挑麥穗棹撥蘋花曾是尋秋路選幽偷駐眉峯映涼凭水香  
吹語斜陽漸去還繫定紅霜那樹絨扇邊小坐迴身艇窄蘭情  
聚神渚驚鴻漫賦悵凌波甚日重見微步袖羅香在當時事  
憶著鷺鷥還妬飛霞弄晚儘開卻半湖秋句愁倚舳舫頻數紅蜻  
繞舊消魂處

疎簾淡月

玉成八月自十三夜卽爲風雨所漫至十九夜始見露月清輝映壁光景已絕可憐

涼蛩院宇漸桂老懸香殘露如雨一歲嬋娟秋好最憐三五浮  
雲偏把良宵誤是蛾眉便有人妬畫闌寒峭瓊樓霧濕共傷遲  
莫消幾夜梧桐碧舞又袂衣催換愁散砧杵難忘闌寬腕雪

袖香濃處雁繩緊曳西風去喚秋光爭趁歸路可憐後夜清輝  
縱好誰開霜戶

疎影竹影

枝枝葉葉似洋州墨派還更清絕遮斷橫闌槭槭瀟瀟秋聲巧  
作離合舞鸞欲引詩魂去蕩一片碧雲疑活想玉梅林外疏斜  
碎攪怕難分別 猶記繚垣圍住側窺落日遠紅漏青雪送客  
江沙認取漁竿愁絕一枝難折粉廊尋到槎枒處卻又憶酒醒  
時節最惱人烟雨黃昏歷亂小牕橫貼

綺羅香

八日

紅帖祈蠶翠釵颭鳳剛吐葢芽初七挑菜人來約寄草堂詩筆  
未盼得雁後春歸十四日立春 猶自覺燕前寒力正緗梅纔試霞妝  
遲開要鬪壽陽額 韶華休使浪擲通歲靈辰兩度蘭秋今夕

秦雲堂詞集

卷一

十

數到鐙宵一半已成追憶乍閒却翦蝶心情未便放鬧蛾蹤跡  
且邀它纖手投瓊夜簾拋選格

萬年歡

水滸

淬玉瀉霜映蘭骨乍烘越顯寒潔似喚驪龍銜照水精宮闕但  
訝清輝瑩徹認一片飛來冷月闌珊處暗憶靈芸玉壺紅淚偷  
結 流漸蕙波未活趁簷牙雪晴燕九時節吟徹犀心能得幾  
多炎熱無分圍春暖闌伴瘦影梅花清絕還只怕一夜東風雲  
華向曉吹裂

虞美人

酒醒夜半殘燈暈雨打珊瑚枕小窗吹溼暗香清人與梅花一  
樣夢難成 峭寒中逗陽和動曉色春雲送悞他挑菜鳳鞋還  
細剔香泥沁上幾行斑

齊天樂 題賈雲裳背花圖

壓肩紅影春愁重成團  
蝶蜂隨定旛畫星寒鈴敲雨碎栽趁泥  
融三逕幾番風信早踏遍閒園尋來野町歸卸銀衫滿身香氣  
露華凝 簫聲深巷喚賣又攤錢乞與花譜重訂待燕銜將和  
鸞吹折零落數枝宮錦陰晴未準更惜晚吹寒芳心擔盡怡稱  
詩銜署司香小隱 雲裳自署司香小吏

江城子

殘雲鴛鴦弄餘寒試春衫怯春閑淺淡妝梳嬾自鬪春妍近日  
心情知道否梅已雪不曾看 袖香濃減瘦金寬倚闌干淚闌  
干料是啼多那得眼兒乾莫道未成相見計教見了也都難

露華

得麗人一幀殘妝倚梳梢然有思不知誰氏所作戲題曰被翻紅浪圖邀同人賦之

畫屏曲曲有淚彈楚雨魂攔巫雲霄騰一霎蚪籤數盡還醒欲  
春雲堂詞集 卷一 十一

覓綵賤題怨正打窻葉撼愁聲誰與惜鈿蟬冷落鑷鴨溫存

當時記圍燕玉任臉暈渦潮花碎燈繁寶釵節枕一般又到黃  
昏便有暖波流夢怕夢中猶悞尋春知甚日鮫衾重試鳳熏

曲遊春

閏花朝

已惜芳朝過趁桐蕾纔乳岐挺偷展蘭芍春深把重三替却綺  
辰添祿撲蝶新陰晚認金粉舊香團扇扇醉翠尊細祝東風重向  
畫樓開讌 較晚禁烟催換待更約衙籛先到巢燕白二韶華  
儘焙香日嫩養晴雲卷說與前裙伴縱遲了踢青休怨前度花  
隙銀蟾依然未滿

釵頭鳳

緜金篋題瑤帖一絨方勝開還摺花時候君知否除了鞦韆尖恁  
般依舊瘦瘦瘦 東闌雪催啼鳩柳絲勝挽雙雙結芳時驟停

鍼繡嫩約滄裙者番休負又又又

邁陂塘

清明後至五日積雨新霽借社侶放舟過管社山尋楊園復渡太湖遊華藏寺看花

瀉澄暉嬉春一葉湖光吹滿衣袂鴟夷見說隨潮去山影學描  
宵翠浮蜃氣指花外樓臺正傍雲根起維舟徒倚有汝社清尊  
谷音遺句刻竹數行字尋蕭寺古逕蒼龍髻墜桃源還在人  
世晴香正蕩平波遠漲碧空霞紫隨蝶使便覓到深叢出路  
迷難記旋催歸思問甚日重來天風擻笛喚月跨鸞背

醉落魄

遊春晚歸折桃花一枝村舍無餽瀾以清泉插瓦酒注中作詞慰之

露痕輕折青筇可是優曇鉢勝他金縷清歌歇殘暈燈前倚醉  
偎紅頰芳尊偶取清泉活餘香借與熏仙骨客牀一夜飛蝴蝶  
蝶夢到秦天句裏壺春闌

摸魚子

九二娘自滇解組歸訪偕遊慧麓賦詞見贈依譜答之

秦雲堂詞集

卷一

五

卸征帆歸衫萬里點蒼烟翠猶滿碧雞清醺須詞賦不是才人  
休遣遊早倦辨射後詩囊換却銅符縮官如夢短省阿剌楓青  
烏鬢寒黑淒斷故人眼西神畔問訊尋春舊伴鳳團雲葉初  
展五年重踏泉邊路愁照黃塵客面張淨饌但到手盃行莫放  
金波淺問他鶯燕說解宦年華繫船山色青眼幾回見

木蘭花慢

題蓮圩早秋圖

鷺飛奩影淨凭曲檻度新涼聽岸柳蟬絃西風信到催換清商  
斜陽翠蜻鬧雨怕尙餘殘暑在池塘最惜行雲夢香睡波冷到  
鴛鴦清湘好泛輕艫零露濕欲凝霜漸弄珠驚碎臉霞褪粉  
扇柄搖香越娘柔芳艇子怯金颺早換薄羅裳幾日露房倒影  
半湖看瀉蟾光

齊天樂

題汪飲泉同年秋隱庵填詞圖

秋深更在雲深處支筇有誰尋到溝遶流紅霜飛碎綠一夜舊  
題都掃西風斜照聽猶弄秋聲爲翻商調按罷銀笙莫尖定怯  
莫寒峭紅樓簾卷十里記曾吟葦葢梢上春早玉削衣單烟  
消蛾淺不是那時懷抱歌雲細裊趁冷逼簧清滑拋珠小響徹  
征鴻數星橫碧曉

齊天樂

種竹

綠紗窻影生新暈鴉鉏乍分秋到敲夢霜清搖詩玉削疎簾已  
驚涼早臨風一笑愛清聽蕭蕭俗襟都掃舊逕全迷杖藜有客  
更相造玲瓏晴望不隔數峯天際遠猶隱青峭雨碎敲棋風  
驚韻笛人坐簾空翠窈誰橫畫稿怕枝葉橫斜粉廊月曉袖倚  
天寒夜情應暗惱

玉樓春

秦雲堂詞集

卷一

三

深深庭院無人至犀帖垂簾魚鑰閉到來消息轉沈沈獨背瑣  
窻閑立地巫雲十二屏風底昨夜乍涼發宿醉恨他嬰武也  
無言不喚曉妝人睡起

齊天樂

賦得澗水無聲繞竹流

萬良翠窈疑無路斜縈一泓泉脈伏籊潛分洞笕暗注但聽青  
琅碎擊淺沙印屐怕密逕曾迷沿流支策默會絃心舞鸞翻鏡  
落平碧陰厓春雪未盡浸蒼雲層瀉猶帶殘白清羽鵝溪低  
捎鳳尾一幅湖州橫墨秋聲消息正靜懷詩心露梢晴滴袖倚  
空山苦吟聊破寂

摸魚子

爲稻生賦遙指紅樓是妾家

踏青遊樂遊原上相逢剛值花社玉鞭依約春纖指一角漆樓  
駕瓦銅街下信錦勒嘶風認得閒亭榭歌櫻舞柘便曲撥龍香

孟斟鵝醕銀蘆滿羅帕  
沈吟記一幅舊家閒話  
客懷憑仗陶寫鬢絲  
禪榻茶烟外我亦倦遊  
司馬歸去也問對酒當歌  
誰是無情者  
輸君姚冶但恣翦裁  
愁波賦夢一任曉鷺罵

前調

借劉芙初慧山看桂芙初將赴邗溝

欵閒園斷崖分露爽肌多是空翠  
衫衫剩熨催金粟又是一番  
花事閒徙倚便歷遍亭臺  
總在濃熏裏舊山風味且細瀾  
釵頭當斟缸面盡此一盃水  
還細數能得幾回借至漫言同是鄉  
里西風欲卷行雲去重聽竹  
笛歌吹君且止問涼夜人生幾度  
花前醉秋陰容易怕後日明朝  
攜尊重踏香雨布金碎

木蘭花慢

用中秋夜感韻

夜涼鷗寢濶乍風定浪文圓  
正柳舫停雲蘆燈搖雪人在秋邊  
樊川鏡絲颺後祇檣花趁客  
送流年故里秋香濃處幾人沈飲

秦雲堂詞集

卷一

十四

花前衣牽別淚輕濺脂靨清  
鬢蟬偏賸銷磨冶思扶頭淺醉  
枕手閑眠當筵墜歡新賞但夢  
中題向衍波賤還怕孤衾難睡  
篔簹戍角吹煙

金盞子

題李松潭農部同年繡詩圖

五夜熏香羨色絲誰緝早朝詩  
句閒卻衍波賤有暈碧裁紅錦  
囊餘組吟成付與靈雲把金鍼  
徐度沈吟處停鍼揀取清圓自  
教鸚鵡雪豔織弓衣肯更向蠻  
纓尋舊譜春深江瘴通靈早  
綵壓思新句嬌花舞挑殘兩字  
鴛鴦又悄然無語憑持比押雲  
盤繡看誰媚嫵

金鎖 孫爾準 平叔

海棠巢樂府拈題

齊天樂 崇安寺步月

步檐排影銅街直西風卷聲初定駕剝場虛獸鏗扇敞蠟屐暗  
隨清磬古懷誰省湛池鰓灑墨螭盤瀋高揭琳華經旛飄處  
戒壇靜 旃檀香靄消盡怯霏空霽爽都癡淒冷欹樹烏巢蹋  
枝雅點落葉渾無賸影東籬霜信待覓取寒花夜燈鬢暮莫負  
秋光泛觴消漏永

前調 南瓜

團團移得蕃沙種東陵昔年人老夕照黃深晨霜翠皎蔓摘金  
臺曾抱雨聲罷鬧和豆架蒼陰一齊都倒看月開門滿庭清露  
秦雲堂詞集卷二

夜鬪悄 鉤藤蒲鴿都過一般名字裏誰及秋杪煨芋圓觚斷  
壺方七小試厨孃纖爪香薑細芼愛配取鮮映花豬更好晚掃  
荒畦尚餘殘响小

青門晨灌沙痕濕鬢數規低枕璽甕團金翠罌圓玉拋徧荒  
畦斷埂已過霜信聽剪落西風綠垣柔梗認取觚楞半邊欹卧  
瓦溝穩 幽風壺斷差擬吳娘舫截處刀匕方寸調粉凝酥剖  
瓢勻豉面圃留賓幽興中秋遺贈愛爬爬聯聯競誇佳識莫羨  
黃梁遊仙炊夢永

賀新涼

校刻劉淳齋外真快晴小築詞竟卽題其後

寫盡琅玕紙似聲聲漸離擊筑行吟燕市古說悲歌聊當哭未  
路英雄如此祇光氣文章不死收拾遺編慙李漢剔孤燈細校  
昌黎子唾壺缺淚難止 少時香案神仙吏誇豪舉金盆洗脚

平生意氣一卷河渠三策在誰續馬書班志嗟謠詠蛾眉同忌  
昨歲西州迴馬榮甚青蠅肯弔荒原裏翟公語我能記

金盞子 菊影

老圃尋秋恰滿城風雨句纔題罷看晚放斜陽香狼籍晴籬牛  
籬花矮砌陰一霎移過早涼蟾浮彩陶令去迷離逕雲深處有  
詩魂在 難采那堪戴空外色樗仙沒骨派清陰倩誰位置袖  
籠畔層層素練密界夜深澹到無言化滿屏香靄燈移處墮著  
比瘦人兒也到簾外

水龍吟 題秋溪漁隱圖

溪香活活流雲葦花深處孤篷橫吳罌汲翠楚烟然竹西巖夜  
起紅糯流珠雪鱸膾玉晚楓同醉聽唱殘銅斗青萋獨速誰知  
是元真子 莫著羊裘歸去怕臺邊有人能記珊竿收卻掉頭  
泰雲堂詞集卷二

不任好騎琴鯉明月沙鷗翠音無迹蕩秋千里待春來準礙重

尋一片是桃花水

宴清都 秋陰

遠水兼天淨沈沈極關河千里催暝遙空只讓叢蘆白颭亂楓  
紅冷涼雲瘦盡斜陽定羞見芙蓉弄影便夜深閑煞秋光素蛾  
也掩妝鏡 梅黃潤入紅綃比來不似今番淒迴傳書雁到穿  
鍼人去曝衣樓靜燈昏說雨猜晴卻猛作去聲五更寒信悞綠窻  
欲譜商聲玉絲未緊

齊天樂 晚秋雨中朱升華招飲因憶莫春燕此歲月忽忽

西風不了黃花事縹涼又吹新雨榨雷檐深醉漚檻小憶著巴  
山詩句此時情緒且細倒金尊緩歌金縷說餞題糕銅盤閉把  
食單譜 中年懷抱易惡此生應最戀良會吟侶方罨敲棋斜

封鬪若醉裏消磨時序能禁幾度記宴罷櫻桃又成秋暮響徧  
疏篷路長愁倦旅

菩薩蠻

送春只惜花飛了而今剩綠都如掃已是沒商量安排與斷腸  
幃幃簾影黑獨倚迴廊立最怕上燈時當時那得知

浣溪紗

折得花枝帶蝶歸衣香細夾蕊香來膽瓶秋水傍妝臺 羅袖  
雙揎金釧冷雅鬢偏重玉釵知昔人邀與卸頭時

虞美人

夜寒吹到瓶花也須把珠簾下月華飛颭威金衫卻向閑階燒  
了夜香還 熏篝斜倚捱鴛被好處難忘記弄嬌楊柳欲眠遲  
無限春風只在小腰支

秦雲堂詞集卷二

水龍吟

桁簾依舊低垂闌干橫在傷心處西風一片雨歸巫峽雲歸洛  
浦椒戶蟬紗萸苗紅袖楞蒲綠管記燭花背後明波斜溜悄吹  
過如蘭語 解識而今情緒悔歡會從前輕棄鈿函金鎖香絲  
翠卷淚綃紅聚叔寶神傷東陽圍減更憑誰訴恨無情九月香  
階猶印舊雙鴛路

江城子 柳

永豐坊裏若平生眼兒青靦行人淺淡眉兒記得畫來真只怕  
無多腰瘦削禁不得許多春 待眠換了鬱金裙試輕響弄輕  
盈雨膩雲鬢梳洗越精神猶是繫春春不住厮趕到短長亭

掃花遊

小春泛艇滙瀆橋望龍山白雲蔽雨空翠隱現淨  
絮中少頃日光穿漏丹黃萬壑舍舟著屐展延眺叢  
冢間景色幽峭愜然於懷

浮風弄雨潤一片詩心靜飛平楚秀眉碧聚蹕蒼鬢寒倚絮雲  
猶護葦港孤村野色被伊銜住呼遊侶向畫裏橫船同試幽步  
斜陽紅幾許便做弄晴妍祇餘霜樹錦屏峽路歎更無人到  
斷碑閑撫喬木西風只伴着烟鶴語漸催去晚愁生暗隨芒屨

臨江仙

題春郊試馬圖

新翦花鬢流赤汗碧蹄踏碎春晴春風吹綠出城闌桃花分馬  
色揚葉試弓聲弄影驕嘶隄上路畫樓繡鮎簾旌落梅一曲  
喚傾城錦鞵紅繡膚扶上更輕盈

醉太平

舟中賦

花寒燭陰愁濃酒醒夢回孤擁青綾聽風聲水聲棲鳥自驚  
孤鴻打更起看吹面霜清洗船頭月明

齊天樂

題華秋槎北山旅舍圖

秦雲堂詞集

卷二

四

相思十載相逢乍紫芝初識風貌梅雪凝寒芹香逗暎算祇故  
園春早恂恂一笑趁似箭流波畫船開了送別江亭辭家翻說  
是歸權而今歸向何處北山留小築占斷清峭倚檻調鷗開  
關待鶴風味幾人同調無田也好羨鱸雪蓴鹽未輸三泖後日  
思君支笻尋畫藁

國香慢

紅蕙爲袁又愷賦

珊瑚霞裳怪靈均楚製別試春妝光風絳闌陰轉拆遍丹房便  
是愁魂碧花騰猶垂羅帶纖長相逢被塵步喚作飛瓊豔絕三  
湘夢迴微中酒認頻潮薄暈淨被鉛霜小唇樊素應記紺唾  
吹香一曲瑤琴疏越拭鮫淚休怨清商王孫舊遊歇杜宇聲中  
一片斜陽

雨中花

海棠

道是塗脂太赤道是調鉛太白醉暈嬌羞春兩頰是者般顏色  
見他顏色  
聞訊謫仙閑彩筆忍重到沈香亭北記一自似花人去後怕  
如夢令

衣賸去年寒淺已有定巢新燕尋到小門邊一樹桃花飛徧不  
見不見何況笑桃人面

夏初臨

蠶豆

翠蕊排珠綠篔嵌玉蛾眉同擅嘉名栽傍畦邊慣沿麥壘縱橫  
白花開向叢深似雙棲蛺蝶難尋垂垂低結何須弱蔓牽上松  
棚園丁歸後栢館晨閑玉纖剝取粒粒芳勻香粘翠釜飄來  
煮繭風清最數南烹趁齋期燕笋同登記嘗新三眠初罷邠圃  
清陰

秦雲堂詞集

卷二

五

菩薩蠻

鈿蠶小顛釵梁裏銀泥褶褶垂地斜日落花飛草香蝴蝶低  
一綠陰清似水春上紅衫背直是甚心腸更翻金鳳皇

減蘭

題子蕭畫梅卷子

驪珠光濕香迳鮫人盤裏泣甚地清閑玉暈冰皺幾箇圈最  
高最瘦想像攀時煩玉手一筆橫枝中有林逋兩首詩

三姝媚

櫻桃

籜英初謝了向鈴枝曾窺綠珠嬌小傳罷燕支又翠絲難繫玉  
窗春老小囀歌昏渾未遜含珠嚶鳥記曲拈來細寫相思那人  
知道當日瑛盤擎到伴玳筍開厨蔗霜同飽碎迳珊瑚算幾  
曾消得杜陵吟抱十載天涯將好夢簾陰催覺最憶分朋閒賭  
樊姬恁巧

臨江山 寄暢園知魚橋作

淺夏陰濃花落去交枝門徑初成畫橋倒影鏡中行一池淨淥  
山色染來深 木落記曾窺峭翠而今換了圍屏茶煙香細愜  
清吟日斜欲去禽語似留人

齊天樂 金銀花

翠藤分占醜醜架絲鬚半窺檐隙釵股鬢鬢釘頭碎夢照眼叢  
叢黃白還丹有術看幾日凡鉛煉成金色夜氣吹香石門小隱  
料能識 靈苗最宜消暑問農經紀否本草曾釋魚玉津涼蟬  
膏乳嫩輸與清風兩腋春纖小摘向石鼎蒸雲露珠狼籍小盞  
澆詩冷芬傾一滴

望梅 梅子

綠肥銅井尋芳來較晚水空香淨但憑牀摘弄駢枝笑簪與燕  
秦靈堂詞集 卷二

六

姬喚他青杏倦繡心情正無奈翠綃香潤聽攔街叫雨釀就吳  
酸尚催餘陣 晶鹽釀來脆墜便雛髻語爭似他俊惹小嚙  
玉水華池卻犀齶偏吹玉妃微病唱罷江南賸一點相思金鼎  
筆含瓢箇人在裏寸心自省

徵招

文鴛去後青苔卷銅鋪靜局芳書約略舊狂蹤傍畫橋閒走綠  
荷相倚恨向愁裏一時回首不益雙禽也應羞覩睡漪交脰  
數遍玉闌干何時見雲藍感花雙袖低瞰翠簾空讓遙山明秀  
無情波上柳尙相對織蛾長皺帶圍減可向人閒念衛郎消瘦

玉蝴蝶 繡毬花

落盡粉梅千朵好風吹起還綴成團蕊葉難分綠英又似苔錢  
夜窻虛墜來月濛春空淨摘得星寒便香綿勻揉徧滾終遜清

圓團藥雪溫玉軟是誰搓弄還更鏤詞謝女嬌癡便思閒蹴  
上秋千細看取東風轉處長是在挂玉簾前怕蘭珊春皇去後  
偷解連環

醉落魄

西風容易彩雲一散渾無據當時便是成離阻有箇人兒念我  
飄零苦月明依舊穿窗戶酒醒不睡聽更鼓縱教睡著馮誰  
訴夢也傷心不到消魂處

齊天樂

都門賦爆竹

裂雲驚破管騰夢千門早迴春意葭琯飛和乘箛散暖如向璇  
霄燒尾一鞭送喜訝陔地晴雷聲聲相似縛就車船五窮想也  
定驚起西巖曾記汲翠向虛廓然楚清響輸此片片花飄回  
回雪聚也學亂愁縈委故鄉千里正孤坐遙聽喧聲如沸饑歲  
泰雲堂詞集卷二

七

詩成一枝燈影裏

采綠吟

閏五月望日偕晴芬荻初泛舟廣豐橋

尺五城南路岸墨幘便狎沙溷蒼颺泛舸葦香侵句蟬韻絃秋  
溼雲低弄影粘空碧莫山澹畫滄洲隔重闌冰壺靜烟中漁榜  
誰扣仙侶共前期蓉湖晚舫會弄波皺一棹覓蓬萊早冷  
落漁謳對滄浪空濯塵纓吟魂倩飛鴻寄清愁催歸思沈雨漲  
陰遙籠采樓

賀聖朝

圍牀十幅屏風小一綫春江繞欲馮歸夢到江南奈亂鴉啼早  
簾垂銀蒜窻關了鳥護水沈香裊清明過了剩些寒有杏花

知道

杏花天

小寒食宿雨初霽踏青至天橋登酒樓小飲禪榻  
清波漪空皺綠渺渺余懷如在江南村店矣願其

穀紋學得青帘颭人倚檻初明望眼濛濛新柳餘寒淺一夜雨  
絲綠慘 休負了玉尊春滿但回首三千程遠杏花也帶江南  
怨慵傳長脂淺淡

齊天樂

玉堦山館為法時唄題

傳來餐玉囊中訣琳腴一枝新劖石髓研瓊糜搗雪鳧鼎炊  
香初熟羊羹漫辱也儘勝延齡雪山黃獨別却蘭香欲尋遺種  
向唐福 前遊曾記海月問瀛仙去後誰寄芳躅學士歸來山  
僧寄到好配防風甌粥長鑱白木念露泡靈苗白雲空谷便礙  
從君覓仙同辟穀

臺城路

銀魚

平波一網銀濤感織織萬條如練玉尺頻拋銀簪比樣吟遍沙

秦雲堂詞集

卷二

八

頭津店貯來冰盃訝鱗鬣全空瑩柔難辨認取雙睛紅珠映水  
兩椒點 燕山風物又別比吳江白小未是珍產玉筋金盤銀  
絲細骨杜老詩情未減消寒歎譙笑學士莼餘又賒酒券醉憶  
鷺湖夢迴青簫遠

疏影

唐花

千林隕葉早霜風漸緊芳意都歇葭管春萌黍谷溫回東風鞞  
扇偷幹阿嬌夢貯黃金屋被喚醒冶情猶怯莫妬他竹外疏梅  
獨占歲寒清絕 從使酣紅爛漫蜂悄未覺幽思誰說宮綵  
裁餘羯鼓催開比似者回全別尚嫌繡榻圍香密未便放吟魂  
飛越只倚鑪淺笑燕姬與鬪暈脂雙靨

疏影

題王子卿蕭寺對梅懷人圖

珊枝卧月恁一花未試先自清絕古寺空山問省前遊疏鐘如

引孤屐巡檐索共東風笑慢憶著故人標格歎十年鶴啄荒苔  
負了半庭香雪 今度燕臺話舊憶花倍悵望重悔輕別夢醒  
參差驛使江南惆悵一枝難折墨池留得春長在悄不怕玉龍  
吹徹約歲寒同結芳盟與訴素心高潔

賀新涼

題李蘭卿舍人掖垣歸娶圖

柔殿鳴梢曉傍 彤墀兩行玉筍最誰英少一品仙衣珊瑚骨  
只數鄴侯風貌圍金帶鳳池春早花豔紅樓簾卷盡驟驕驄踏  
遍長安道看爭指獨孤帽 潞河一夕歸帆峭拜 君恩口脂  
面藥青廬學到荔子香濃紅雲宴仙樂幔亭飄緲休但說催妝  
詩好更有宣麻新樣脚翦絲綿親寫金鸞語趁筆勢騰蛾掃

泰雲堂詞集卷三

金鎖 孫爾準 平叔

荔香樂府

滿江紅 荔支和陶山康訪韻

沉澗天漿渾壓盡楊梅盧橘更何論中邊甜到蔗霜崖蜜白傳  
新詩曾上口紅塵往事空弮臆竿何如身作近南官楓亭驛  
數釘坐逢仙容看壓擔夸方物且論園買夏辟疆梓澤絕品未  
容瑤柱並輕紅只合春纖擊到秋深留得一瓶香醇醪力

摸魚子

詠江珧柱

趁春潮靈犀解角癭環堆編鱗渚拾來幾輩魚娃手不用千絲  
漁罟繙食譜驗玉柱仙姿水族加恩簿香生翠釜愛珂乳清腴  
瑤肪瑩潔鮮淡吸秋露 風物好當年南食曾賦稱名羞並章

泰雲堂詞集卷三

舉尊前俊味誰能省只有涪翁詩語堪並數又綴向釵頭十八  
娘風度興來拾取好席挂天風盃銜海月高咏謝公句

滿江紅

蜜荔支仍用前韻

縹蒂霜餘最耐久千頭奴橘訝丹實色香不壞漬來石蜜微皺  
絳囊光照手餘甘玉醴香凝臆看年年水遞木蘭船三山驛  
充籩豆羞嘉客馳包甌陳方物競金瓶拜賜

上方恩澤何必僧殊纔酷嗜卽教詩老能頻擊便小臣波及得  
分嘗慚何力

南歌子

咏陳家紫荔支

星實含馳乳羅囊綴麝臍絳襦嫌未合時宜別染莫霞顏色製  
綃衣 屋借黃金貯 阿嬌姓陳 煙同弄玉 馥華清浴罷薦豐肌最是  
仙姿絕世玉環肥

紅情 陶山屬詠盆荷用張叔夏韻

嬌酣弄色似玉容，帶酒水綃輕密。一舸田田鷗鷺江南舊，相識  
玉女盆邊重見認。梳洗風姿猶憶比浴向，第二溫湯嫋嫋粉香  
濕。平立翠蓋側對扇，柄倚風露盤。初日夢迴太液千，纈紅翻  
浪花碧。莫怨移根玉井仙，掌上薰風如昔。但甚日雲錦底綠葉  
擲笛。

綠意 陶山屬賦小池荷用張叔夏韻

匳塘蕩潔，裊幾莖紺玉姿，更清絕。倒影亭亭玉骨，水肌不怕薰  
風吹。熱華清舊事，曾窺覓算，只有鴛鴦能說。向阿誰買斷芳灣  
費，卻翠錢千疊。最是霓裳倦舞，漢皋待解珮，紅褪裙褶。丁屬  
西風，莫卷行雲，容易薄絲輕雪。越娃不放橫蘭艇，近露檻一枝  
先折。向晚來沙際，招涼已映半規新月。

秦雲堂詞集 卷三

秋霽 吳荷屋典故試浙江繪湖山秋霽圖屬題

仙客驂鸞趁桂子，吹香秋在蓬島。詠霓裳、乍排銀榜，纖雲碧  
空晴。香湖波渺，渺翠盤冷，浸銀蟾小。剛一笑，纔信泛查天上，果  
尋到。船倚六柱，棹轉三潭，翠稀紅疏，春思都掃。漾晴暉吟懷  
超越，晚妝西子，淡逾好。幾點夫容，霜未老。最繫情處，可是一片  
瓊樓，乘風歸去，錦袍寒峭。

摸魚子 爲言可樵賦

水嬉張使君，高譙相逢一見，相許量珠手。結千絲網，莫待綠陰  
遲。莫金屋貯，恁繡地花天，肯放春閑度。別離偏遠，恠桃葉煙江  
榕城歸艇，雙槳載愁去。芳盟在，方悔前期錯，趁花濃，偏又辭  
樹天涯，誰念樊川老禪榻，鬢絲千縷。君知否，從來是紅顏絕代  
俱黃土，而今最苦。但錦砌行過，彫闌倚著，都是斷腸處。

綺羅香

題瀟湘聽雨圖

白鷺洲邊黃陵祠側愁對低雲催暮一霎瀟瀟斑竹黃蘆無數  
語舊遊燭翦西窗看新漲水生南浦瀉檐聲騎鶴樓高茫茫遮  
斷漢陽樹馮蘭誰弄玉笛似喚湘靈起舞零鈴遺譜短夢敲  
回最記夜江鳴櫓雜術斷陽斷鴈低迷和梧峽冷爰淒楚待幾時  
嶽翠吹晴片帆天際度

小重山

題女几山房墨荷

玉几何如玉女峯一枝花照影墨池中更餘一葉裊香筍清露  
裏羞落萬嬌紅孤艇繫垂虹掩篷曾聽雨綠雲濃舊香一夜  
卷西風愁相對夢繞五湖東

五綵結同心

咏黃嬪子

犀株陰密鶴頂花深得名溯自壇隈未信天工巧渾疑是金刀  
秦雲堂詞集卷三

翦綵安排馬纓微感青珠小龍瓏似結線穿來笑嬌小吳姬未  
識摘來道是楊梅漸看赤絲飄墮過幾番梅雨綠轉黃回昨  
夜韓媽去閑拋打金彈擲向瑤塔水丸未遜蜂脾味堆盤處且  
緩傳盃須說與棊來芳字賺他撥蠟偷開

摸魚子

以仇仁近無絃琴譜贈陶山蒙用仇集中韻賦詞  
見謝依韻奉答

訝新聲庭花翻落陽阿來自何許清吟合繼山村作譜出天風  
海雨絲桐語到悟徹無絃何處留秋住問君何苦却自理金徽  
細調銀字重寫斷腸句思往事舊盟試覘鷗鷺垂虹記共遊  
處碧山白石俱仙去似此清才堪數江南樹問司馬攀條幾度  
曾容與何時歸路好共買扁舟小紅一曲泛宅五湖去

買破塘

小西湖

傍城根蒼茫野色板橋隔斷塵境水風小艇菰蒲葉吹上一襟

香冷寒鏡淨繞四面瑤屏倒浸看鬢影佳名恰稱比畫舫西冷  
澹妝濃抹相對兩邢尹 尋遺址崇臺落礎猶賸舞裙歌扇飄  
盡瓜棚翠窈荒畦路換却行春深徑馮誰問祇眠浪閑鳧往事  
應能省一聲孤磬引仙梵花官茶煙微颺小啜綠陰靜

青玉案

題江南春畫留別陶山卽用陶山贈別原韻

頻因戀別吟佳句問征棹何時任秋到螺江霜滿樹西風樵水  
斜陽黎嶺都是懷人路 筵尊司馬曾相許還向桑乾蹋冰渡  
後日尋君知有處金閨門外清江花月畫裏春重賦

卜算子

紅花埭道中

古道驟驕驄一望平如砥薺麥茫茫綠未齊春在溟濛裏 茸  
帽曳輕裘斜日寒如水回首江南正落花香上紅衫背

鷓鴣天

秦雲堂詞集卷三

四

廿四橋邊蕩漿輕重城行過更維艸玉簫教曲人何處獨宿瓜  
洲聽雁聲 年裘裘鬢星星重來杜牧憶三生二分明月真無  
賴十里珠簾最有情

洞仙歌

題馮柳東重游閩嶠圖

鹿谿南去昔日維艸處認得沿江冷紅樹惟重來換却綠鬢金  
章依舊是竹馬兒童盈路 宦情陶令薄料是難忘十八仙娘  
舊風度小住海天秋高卧榕陰要消受綠天疎雨相逢晚莫漫  
賦歸歎又芳艸春波畫船南浦

夢芙蓉

題陳石士寒閩訪夢圖

涼颺翻柿葉悵行雲一雲薜華小劫七出菱花何處覘圓廚施  
衣搜蓋篋留仙猶賸裙褶棖觸無端過桃葉洲邊愁上渡江楫  
長簾空牀折摺一枕膏膾舊徑飛胡蝶芳心欲訴簾額響犀

押醒來情更怯弓弓錯認鴛屐寫出傷心有葉兒樂府譜就淚盈睫

青玉案

治城小西湖中生薤菜開白花圓潔如玉邀馮柳東沈夢塘同作

治城西畔明湖繞向鏡裏移蘭棹蕪菜沿流紫荇藻并刀剪後翠釵丁倒涼月浮波小

蘋香零落菱香老賸有明姿玉纖拗半側銀杯鈿露少更愁羽化澄瀾渺渺一夜西風掃

百字令

爲柳東題重脩曝書亭圖卽和其用竹垞集中索次岳畫原韻

孩兒橋下記輕帆西轉舫唇曾泊問訊金風亭畔路難覓釣師棧托萬卷娜嬛幾叢寒玉空想行窩樂荒涼騰色龍鍾誰補籬落而今館外欹湖林閒別室依舊聯吟酌醜舫書巢如在眼窈窕翠深簾幙摩詰圖成盧鴻志就胸次開邱壑明年春水約

君同築銀角

秦雲堂詞集卷三

漁家傲

五

夜雨敲窗消淺醉夢回恍覺寒侵被柳葉聲中秋欲沸花一穗青燈冷照人無寐客裏光陰真浪費故園幾日茱萸會殘點滴將愁並碎誰共對影兒知道人憔悴

